

ՀԱՇՎԵՏՎՈՒԹՅՈՒՆ

2010

ՀՀ ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ

Գերակա
խնդիրների և
միջոցառումների
ծրագրի
իրականացման
արդյունքների

Բովանդակություն

ՆԱԽԱԲԱՆ 2

1. Արդյունաբերության ոլորտ..... 3

2. Գիտելիքի տնտեսության ենթակառուցվածք, բարձր և տեղեկատվական տեխնոլոգիաների ոլորտ (ԲՏՏ) 5

3. Զբոսաշրջություն..... 7

4. Գործարար միջավայրի բարեփոխումներ 8

5. ՀՀ – Եվրոպական միություն, ՀՀ - Առևտրի համաշխարհային կազմակերպություն..... 10

6. Առևտրի և ծառայությունների ոլորտ 12

7. Մտավոր սեփականության պահպանություն..... 13

8. Հավատարմագրման գործունեություն..... 13

9. Շուկայի և սպառողների շահերի պաշտպանության վերահսկողություն 14

ՆԱԽԱԲԱՆ

ՀՀ Էկոնոմիկայի նախարարության (Նախարարության) 2010 թվականի գործունեության ծրագրային հիմքը կազմել են ՀՀ նախագահի նախընտրական ծրագիրը, ՀՀ կառավարության ծրագիրը, ՀՀ կառավարության 2008-2012թթ գործունեության միջոցառումների ծրագիրը, ՀՀ կառավարության 2010 թվականի գործունեության միջոցառումների ծրագիրը և գերակա խնդիրները, ՀՀ կառավարության կողմից հաստատված առանձին ոլորտների զարգացման ծրագրերն ու հայեցակարգերը:

Նախարարությունն համար 2010 թվականը հիմնականում նշանավորվեց արդեն իսկ ճշգրտված մոտեցումների ու սկզբունքների պայմաններում գործնական նախագծերի մեկնարկով և հեռանկարային զարգացման ծրագրավորման համար հիմքերի ապահովմամբ: Մասնավորապես, դա արտահայտվեց՝

- մեկնարկած բարեփոխումների հետևողական շարունակմամբ,
- ենթակառուցվածքային ներդրումային ծրագրերի մեկնարկով և խորացմամբ,
- ինստիտուցիոնալ կարողությունների զարգացմամբ և հետազոտական բազայի ընդլայնմամբ:

Նշված ուղղություններով Նախարարության գործունեության մեջ արմատավորվեցին 1) պետություն մասնավոր հատված համագործակցության խորացում, 2) օտարերկրյա գործընկերների և միջազգային կազմակերպությունների հետ համագործակցության ճշգրտում և համակարգվածության բարձրացում, 3) հասարակության հետ երկխոսության ընդլայնում մոտեցումները:

2010 թվականը հետձգնաժամային առաջին տարին էր, հետևաբար Նախարարության հիմնական խնդիրներից էր երկարաժամկետ տնտեսական աճի համար ինստիտուցիոնալ, ռեսուրսային, հետազոտական, գործընկերային հիմքեր ձևավորելը: Այս իմաստով, նշանակալի իրադարձություն էր **սեպտեմբերի 11-12-ը Դիլիջան քաղաքում Հայաստանի տնտեսական զարգացման հեռանկարների վերաբերյալ բարձրաստիճան կոնսուլտացիաներին** Նախարարության ղեկավարների մասնակցությունը: Քննարկումների արդյունքում մեկնարկեց **Արտահանման ուղղվածությամբ արդյունաբերական քաղաքականության նոր ռազմավարության** մշակումը՝ համագործակցելով Մաք Քինգի միջազգային հեղինակավոր հետազոտական ընկերության հետ: Նոր արդյունաբերական քաղաքականության մոտեցումներն ու սկզբունքները գործարար շրջանակներին ներկայացվեցին նաև Համաշխարհային բանկի հետ Ամերիկյան համալսարանում կայացած կոնֆերանսի ընթացքում:

Նախորդ ժամանակաշրջանում տնտեսության վիճակի համակողմանի հետազոտման և նախագծվող նոր տնտեսական քաղաքականության հիմնադրույթների ամրագրումով մշակվեց և շուտով հանրությանը կներկայացվի **«Տնտեսության դիվերսիֆիկացիա և արտահանման ընդլայնում»** խորագրով **«Հայաստանի տնտեսական զեկույց. 2010»** թողարկումը: Հետևողականորեն շարունակվում է մաթեմատիկական մոդելների կիրառմամբ տնտեսական քաղաքականության ազդեցության գնահատման ուղղությամբ կարողությունների զարգացման գործընթացը:

Շարունակաբար խորանում է **հասարակության հետ համագործակցությունը**: Հաշվետու տարում բավարարվել է հայաստանյան և օտարերկրյա ՋԼՄ-ների ներկայացուցիչների կողմից տեղեկատվություն ստանալու և նախարարության պաշտոնյաների հետ հանդիպումներ կազմակերպելու խնդրանքով մոտ 550 հայտեր: Ապահովվել է մասնակցություն պաշտոնական հանդիպումների (90), մամուլի ասուլիսների կազմակերպում (26):

ՀՀ կառավարության 2010թ. գործունեության միջոցառումների ծրագրով նախատեսված Նախարարության պատասխանատվությամբ 11 կետերից 10-ը՝ կատարվել են սահմանված ժամկետներում, 1-ը՝ ոչ էական ուշացումով: Հաշվետու տարվա համար Նախարարության գործունեության օրակարգում թիրախավորվել

էին 6 գերակա խնդիրներ, որոնց իրագործման համար իրականացված աշխատանքների հաշվետվությունը ներկայացվում է ստորև:

1. Արդյունաբերության ոլորտ

Մշակվել և ՀՀ կառավարության հավանության է արժանացել «ՀՀ արդյունաբերության զարգացման հայեցակարգային ուղղությունները», որի ներքո իրականացվել են արդյունաբերության ճյուղային վերլուծություններ, այդ թվում ուսումնասիրվել է սննդարդյունաբերության (հյութեր և ոչ ոգելից ըմպելիքներ, շոկոլադներ), ոսկերչության (ոսկերչական իրեր), մեքենաշինության (գործիքներ, հաստոցներ), ոչ մետաղական հանքանյութերի մշակման (պեռլիտ) ոլորտների ձեռնարկությունների գործունեությունը, բացահայտվել են վերջիններիս արտահանման խոչընդոտները, ներկայացվել են առաջարկություններ, որոնց հիման վրա մշակվել և ՀՀ կառավարության քննարկման է ներկայացվել «Արտահանման կամ ներմուծման փոխարինման ներուժ ունեցող ընկերությունների հիմնախնդիրները և դրանց լուծմանն ուղղված միջոցառումները»:

ՀՀ ԱԺ կողմից ընդունվել է «Ավելացված արժեքի հարկի մասին» ՀՀ օրենքում փոփոխություն կատարելու մասին» ՀՀ օրենքը, որով հնարավորություն է տրվել ՀՀ կառավարությանը ներդրումային ծրագրերի շրջանակներում 300 մլն. դրամ և ավել ներդրում կատարելու դեպքում ընկերությունների կողմից վճարվելիք ավելացված արժեքի հարկի գումարների վճարման ժամկետները երեք տարի ժամկետով հետաձգման արտոնությունը տրամադրել նաև հաջորդ տարիներին: ՀՀ կառավարության կողմից թույլտվություն են ստացել թվով 6 ընկերություններ, որոնց ծրագրերի ընդհանուր կանխատեսվող ներդրումները կազմում են մոտ 15.17 մլրդ ՀՀ դրամի, իսկ այս ներդրումների շնորհիվ կստեղծվեն մոտ 465 նոր աշխատատեղ: Ընդհանուր առմամբ, ՀՀ կառավարության կողմից օրենքի ընդունումից հետո թույլտվություն են ստացել թվով 11 ընկերություններ և մերժվել է մեկը: Հավանությանն արժանացած ծրագրերի ընդհանուր կանխատեսվող ներդրումները կազմում են մոտ 28.8 մլրդ ՀՀ դրամ, իսկ այս ներդրումների շնորհիվ ծրագրերի ավարտական փուլում կստեղծվեն մոտ 980 նոր աշխատատեղ, որից 705-ը արդեն իսկ ստեղծվել են:

Ժամանակակից պահանջներին համապատասխան սարքավորումներով ապահովելու նպատակով ՀՀ կառավարության կողմից երկարաձգվել է 3 ընկերությունների կողմից «Ժամանակավոր ներմուծում» մաքսային ռեժիմով ներմուծված մեքենասարքավորումների համապատասխան ռեժիմի ժամկետը, որի արդյունքում նախատեսվում է 28.5մլն ԱՄՆ դոլարի ներդրում և 530 նոր աշխատատեղերի ստեղծում:

Ակնագործության և ոսկեգործության ոլորտում իրականացվել են զարգացման հայեցակարգից բխող միջոցառումներ, որի ներքո ՀՀ ԱԺ կողմից ընդունվել են՝

- «Ավելացված արժեքի հարկի մասին» ՀՀ օրենքում լրացում կատարելու մասին» ՀՀ օրենքի նախագիծը, որով ԱԱՀ-ի վճարումից ազատվում է ոսկեգործության ոլորտում օգտագործվող թանկարժեք մետաղների հումքը,
- «Շահութահարկի մասին» ՀՀ օրենքում լրացում կատարելու մասին» ՀՀ օրենքի նախագիծը, որով շահութահարկի կանխավճարից ազատվել են ակնագործության և ոսկեգործության ոլորտները, թանկարժեք քարերի իրացումը, իսկ ոսկու հումքի իրացմամբ մասով կանխավճարը նվազեցվել է մինչև 0.25%:

Երևան քաղաքի աղբահանության և սանիտարական մաքրման ծրագրի մասով անգլիական «Integrated Skills» ընկերության կողմից ներկայացված առաջին հաշվետվության արդյունքներով կազմակերպվել է քննարկում ՀՀ վարչապետի մոտ: Աշխատանքային կարգով իրականացվում է աջակցություն խորհրդատուի կողմից իրականացվող աշխատանքներին՝ շուկայի ուսումնասիրություն, մրցույթի նախապատրաստում, աղբի հավաքման/մաքրման կոնցեսիաների համար նախաորակավորում, աղբավայրի ՆՖԿՇի համար մրցութային փաստաթղթեր և նախաորակավորում: Կազմվել է աղբահանության ոլորտի օտարերկրյա ընկերությունների ցանկը, որոնք հնարավոր է հետաքրքրվածություն կցուցաբերեն մրցույթների նկատմամբ: Նախապատրաստական աշխատանքներ են ընթանում Երևան քաղաքի աղբահանության 2 օպերատորների, ինչպես նաև Նուբարաշենի աղբավայրի վերամշակման օպերատորի ընտրման աշխատանքների ուղղությամբ: Նախարարության կողմից կողմից գրություններ են ուղղվել ՀՀ արտաքին

գործերի նախարարությանը, մի շարք ՀՀ դեսպաններին խնդրանքով, բանակցություններ վարել ոլորտի տվյալ երկրներում առկա ընկերությունների հետ՝ Երևան քաղաքում իրականացվող աղբահանության ծրագրում ներդրումներ ունենալու և մրցույթներին մասնակցելու նպատակով: Համագործակցություն է իրականացվում նաև «Թափոնների կառավարում – ԵՀԳԳ Արևելք» ծրագրի շրջանակներում, որտեղ քննարկվում է ՀՀ տարբեր մարզերում պիլոտային ծրագրերի իրականացումը:

«Զվարթնոց» օդանավակայանի հարակից տարածքում ազատ տնտեսական գոտու և գյուղմթերքների լոգիստիկ կենտրոնի ստեղծման ծրագրի մասով իրականացվում են պարբերական աշխատանքային դիտանցումներ: Զարգացման Հայկական Գործակալության աջակցությամբ ընտրվել է ծրագրի կառավարիչ (Project manager): Հոլանդական «Flora Holland» ընկերությունից երեք անգամ Հայաստան է հրավիրվել փորձագետ՝ ուսումնասիրության անցկացման, բիզնես մոդելի մշակման և հոլանդական ծաղկի առևտրի բոքսայի փորձը գյուղմթերքների լոգիստիկ կենտրոնում ներդնելու նպատակով և արդյունքում ներկայացվել է բիզնես մոդել:

Մշակվել և ՀՀ կառավարության հավանության են արժանացել «Ազատ տնտեսական գոտիների մասին» ՀՀ օրենքի նախագծի փաթեթը: Մշակվել և ազատ տնտեսական գոտու Համակարգող Խորհրդի անդամների հավանությանն է արժանացել ՀՀ տարածքում հավաքման կենտրոնների ստեղծման բիզնես մոդելը: Մշակվել և ազատ տնտեսական գոտու Համակարգող Խորհրդի անդամների հավանությանն է արժանացել ՀՀ տարածքում հավաքման կենտրոնների ստեղծման բիզնես մոդելը:

Մշակվել է «Հայաստանի Հանրապետության Էկոնոմիկայի նախարարության և «Կորպորասիոն Ամերիկա ՄԱ» ընկերության միջև՝ «Զվարթնոց» օդանավակայանի հարակից տարածքում ազատ տնտեսական գոտի ստեղծելու նպատակով համագործակցության համաձայնագրի» նախագիծ, որով նախանշվել են աշխատանքների շրջանակը և համագործակցության ուղղությունները: Նախագիծը ներկայացվել է «Ամերիքան Ինթերնեյշնլ Էյրփորթս» ընկերության քննարկմանը:

«Պետական-մասնավոր գործընկերության մասին» ՀՀ օրենքի նախագիծը լրամշակվել է SIGMA ծրագրի փորձագետների, ինչպես նաև շահագրգիռ մարմինների կարծիքների հիման վրա և մոտ օրերս կներկայացվի ՀՀ կառավարություն: «ՄԻԳՄԱ» ծրագրի և Նախարարության նախաձեռնությամբ Մարիոթում կազմակերպվել է նախագծի քննարկում պետական ու մասնավոր հատվածի շահագրգիռ կողմերի մասնակցությամբ: Մշակվել է ՊՄԳ ծրագրերի գնահատման և հաստատման կարգի նախագիծը և ներկայացվել է Փարիզում տեղի ունեցած SIGMA ծրագրի փորձագետների քննարկմանը:

Հայաստանում պղնձաձուլական գործարանի կենսունակության վերլուծության տեխնիկա-տնտեսական հիմնավորման շրջանակներում հայտարարված մրցույթի արդյունքում հաղթող է ճանաչվել «Ի-վի քոնսալտինգ» ընկերությունը: ՀՀ հանքարդյունահանման ձեռնարկություններում «Ի-վի քոնսալտինգ» ընկերության հետ համատեղ կատարվել են ուսումնասիրություններ հանրապետության հանքահումքային արժեքը կազմող կազմակերպությունների մասնագետների հետ (այդ թվում՝ Գեո Պրո Մայնինգ, Հայկական Պոլիմ, Զանգեզուրի պղնձամուլդրդենային կոմբինատ, Ախթալայի ԼՀԿ, Երևանի գաջի գործարան, Երևանկաբել, Հարավկովկասյան երկաթուղիներ և այլն): Արդեն իսկ «Ի-վի քոնսալտինգ» ընկերության կողմից Նախարարություն է ներկայացվել պղնձաձուլական գործարանի կենսունակության վերլուծության տեխնիկա-տնտեսական հիմնավորումը:

Հայաստանում ճանապարհաշինական նպատակներով բազալտի թելի արտադրության կենսունակության վերլուծության նպատակով մշակվել են ներդրումային ծրագրային առաջարկներ՝ ոլորտի զարգացմանն ուղղված ներդրումներ ներգրավելու նպատակով («Բազալտ Միներալ ՄԱԿ», «Օնիքս», «Քարակերտի քարաձուլական գործարան», «Վահան և ընկերներ» և այլն): Ներդրումային առաջարկների փաթեթը դիվանագիտական խողովակներով տրամադրվել է մի շարք պետությունների (Չինաստան, Գերմանիա, Արաբական Էմիրություններ և այլն): ՀՀ վարչապետի ղեկավարությամբ հայկական պատվիրակությունը Չինաստանում բազալտի ձուլման ձեռնարկություն այցի ընթացքում առաջարկել է ներդրումներ կատարել ՀՀ ոչ մետաղական հանքանյութերի վերամշակման ոլորտում:

ՀՀ թեթև արդյունաբերության մասով ՀՀ կառավարության հավանությանն է արժանացել հիմնախնդիրների լուծմանն ուղղված միջոցառումների ժամանակացույցը: Դրա ներքո մշակվել և ՀՀ ԱԺ կողմից ընդունվել է «ՀՀ մաքսային օրենսգրքում փոփոխություններ կատարելու մասին» ՀՀ օրենքի նախագիծը, ինչը թույլ է

տալիս պատվիրատուի հումքով և սարքավորումներով աշխատող ընկերություններին ժամանակավոր ներմուծում ռեժիմով ներկրված ապրանքների ժամկետները սահմանել պայմանագրերի ժամկետներին համապատասխան: ՀՀ արդյունաբերողների և գործարարների միության հետ համատեղ իրականացվել է թեթև արդյունաբերության ապրանքների ցուցահանդես-վաճառք՝ ոլորտի 50-ից ավելի կազմակերպությունների մասնակցությամբ: Արդյունաբերության ոլորտում ֆինանսական միջոցների ներգրավմանը նպաստելու նպատակով մշակվել և ՀՀ կառավարության որոշմամբ հաստատվել է ՀՀ-ում հաշվառման ենթակա հաստոցների, սարքավորումների և դրանց բաղկացուցիչ մասերի կադաստրի վարման կարգը՝ համաձայն որի Նախարարությունը իրականացնում է վերը նշված տեսակի շարժական գույքի հաշվառում:

2. Գիտելիքի տնտեսության ենթակառուցվածք, բարձր և տեղեկատվական տեխնոլոգիաների ոլորտ (FSS)

FSS ոլորտում ակտիվ աշխատում են շուրջ 200 ձեռնարկություններ, որից 70-ը արտասահմանյան ընկերությունների մասնաճյուղեր են: Ոլորտի ընդհանուր հասույթը կազմում է մոտ 150 մլն ԱՄՆ դոլար, որից 40% արտահանվում է, զբաղվածների ընդհանուր թիվը կազմում է մոտ 5000 մարդ, արտադրության ծավալն աճել է շուրջ 35 %-ով՝ 2008թ. համեմատ: ՀՀ 2010թ. պետական բյուջեում «SS ոլորտի խթանման ծառայություններ» ծրագրի շրջանակում հատկացվել է 80 մլն դրամ, իսկ «Գյումրու տեխնոպարկի գործունեության իրականացման» ծրագրի համար՝ 200 մլն դրամ:

ՀՀ կառավարության հավանությանն է արժանացել ՀՀ-ում էլեկտրոնային հասարակության ձևավորման հայեցակարգը: ՀՀ կառավարության քննարկմանն են ներկայացվել ՀՀ-ում էլեկտրոնային կառավարման համակարգի ներդրման և ՀՀ-ում հեռահաղորդակցական լայնաշերտ ցանցի ձևավորման հայեցակարգերի նախագծերը:

Մշակվել և շրջանառության մեջ են դրվել «Լայնաշերտ հեռահաղորդակցության ցանցի ներդրման նախագիծ» փաստաթուղթը, «Օպտիկամանրաթելային մալուխների անցկացման վերաբերյալ» ՀՀ կառավարության որոշման նախագիծը, ինչպես նաև «ՀՀ-ում լայնաշերտ հաղորդակցության ցանցի ներդրմանն առաջադրվող որակական չափանիշներ և այլ պարտադիր պայմաններ» փաստաթուղթը: Վերջինս ներկայացվել է «Էրիքսոն», «Սիսկո Սիսթեմզ» և «Արմենիան Դեյթաքոմ Քամփնի» ընկերություններին՝ կոնկրետ բիզնես-ծրագրեր ստանալու ակնկալիքով:

ՀՀ Աժ կողմից ընդունվել է «**Հեռուստատեսության և ռադիոյի մասին**» ՀՀ օրենքում փոփոխություններ կատարելու մասին» ՀՀ օրենքը (ՀՕ-100-Ն), որի արդյունքում սահմանված ժամկետում (2010 թվականի հունիսի 20) ապահովվել է հեռուստառադիոհաճախականության լիցենզավորման նոր մրցույթի հայտարարումը:

ՀՀ Էկոնոմիկայի նախարարի, Ազգային վիճակագրական ծառայության նախագահի, Ձեռնարկությունների ինկուբատոր հիմնադրամի գործադիր տնօրենի միջև ստորագրվեց «SS ոլորտի վարչական ռեգիստրի կայացման նպատակով վիճակագրական հաշվետվությունների էլեկտրոնային հավաքագրումը կազմակերպելու մասին» հուշագիրը, որի շրջանակում կողմերը համաձայնվում են համագործակցել ICTStat համակարգի կայացման շուրջ:

Նախարարության և ՀՀ առողջապահության նախարարության միջև կնքվել է համագործակցության հուշագիր հեռաբժշկության ոլորտում՝ առողջապահության ոլորտում իրականացվող ծրագրերին նպաստելու, Հայաստանում հեռաբժշկության համակարգի ներդրման ծրագրում ընդգրկված տարածաշրջաններում բուժապասարկման որակի բարձրացման և մատչելիության ապահովման, ինչպես նաև բժիշկների մասնագիտական գիտելիքների կատարելագործման նպատակով:

ՀՀ կառավարություն է ներկայացվել ՀՀ-ում էլեկտրոնային առողջապահության ոլորտում միասնական տեղեկատվական համակարգի ներդրման ճանապարհային քարտեզը:

Երևանում տեղի ունեցավ ամենամյա «**Դիջիթալ 2010**» բարձր, տեղեկատվական և հեռահաղորդակցման տեխնոլոգիաների ցուցահանդեսը, որտեղ այցելեց 15000 մարդ, մասնակցեցին 68 միջազգային և տեղական ընկերություններ, որի աճը նախորդ տարիների համեմատ կազմել է 30 տոկոս: Աջակցություն է ցուցաբերվել 12 նորաստեղծ ընկերությունների:

Գիտահետազոտական ոլորտում մասնավոր ընկերությունների և գիտնականների թիմերի միջև գործընկերությունը խթանելու նպատակով այս տարի ևս կազմակերպվել է «Գիտության և Տեխնոլոգիաների ձեռներեցության ծրագրի (STEP) շրջանակում «VC» վենչուրային համաժողովը, որի շրջանակում անց է կացվել «Բիզնես համագործակցության աջակցման» մրցույթը:

Իրականացվել են **Հայ-հնդկական S2S ուսումնական կենտրոնի** նախագծման աշխատանքները, նախապատրաստվել է Կենտրոնի վերանորոգման նախահաշվի վերջնական նախագիծը: Հնդկական գործընկերների կողմից հայտարարվել և ամփոփվել են կենտրոնի ուսումնական նյութերի, համակարգչային սարքավորումների և ցանցի տեղադրման մրցութները: Նախապատրաստվել է **«Մայքրոսոֆթ» նորարարական կենտրոնի** նախագիծը և շինարարության նախահաշիվը: Վերանորոգման աշխատանքները ճարտարագիտական համալսարանի տարածքում ավարտվել են, իսկ պաշտոնական բացումը նախատեսվում է 2011թ.-ի մարտին: Կազմակերպվել է երիտասարդական նորարարական գաղափարների մրցույթ՝ SS Ծրագրերի Փոքր Դրամաշնորհների Մրցույթ:

«Cisco Systems» ընկերության հետ ստոնագրվել է Փոխհամաձայնության հուշագիր:

Տարեվերջին տեղի ունեցավ **«Համակարգիչ բոլորի համար»** ծրագրի հիմնական փուլի մեկնարկը: Միջոցառման շրջանակում ամերիկյան «Ինթել» և «Հյուլեթ Պակարդ» ընկերությունների հետ ստորագրվեցին Փոխըմբռնման հուշագրեր՝ «Համակարգիչ ուսուցիչների համար» և «Դպրոցական համակարգիչ» ծրագրերի պիլոտային փուլի անցկացնելու վերաբերյալ: Ծրագրի շրջանակում մինչև տարեվերջ վաճառվել է ավելի քան 17000 համակարգիչ:

«Ի-վի քոնսալթինգ» ընկերության կողմից պատրաստվել է Հայաստանի պետական ճարտարագիտական համալսարանում **National Instruments** ընկերության հետ համատեղ ինժեներական կրթական և գիտահետազոտական լաբորատորիայի հիմնման բիզնես պլանը:

«Գյումրու տեխնոպարկի գործունեության իրականացման 2010 թվականի ծրագրի» շրջանակում National Instruments ընկերության հետ համատեղ Գյումրիում հիմնվել են **մեխանիկայի և էլեկտրոնիկայի լաբորատորիաներ**:

Գյումրու տնտեսական զարգացման հիմնադրամը հայտարարել է բիզնես գաղափարի մրցույթ, որի արդյունքում ընտրված երկու հաղթողների հետ կհիմնվեն 2 սկսնակ ընկերություններ:

Մշակվել են **ՀՀ-ում կենսաչափական կողմնորոշիչներ պարունակող էլեկտրոնային անձնագրերի և նույնականացման քարտերի համակարգի ներդրման**, ինչպես նաև հավաստագրման կենտրոնի տեխնիկական առաջադրանքները և ներկայացվել ՀՀ կառավարություն:

Մշակվել և ՀՀ կառավարության քննարկմանն է ներկայացվել **«ՀՀ-ում նորարարական տնտեսության ձևավորման մեկնարկային ռազմավարության հայեցակարգի» նախագիծը**: Հայեցակարգը ներկայացնում է Հայաստանում նորարարության աջակցման համակարգի ձևավորման ռազմավարության տեսլականը, դրա առաջին փուլի հիմնական նախաձեռնությունները, աջակցման գործիքակազմը և ակնկալվող արդյունքները: **Ուռուցքաբանության գերազանցության հայկական կենտրոնի հիմնման ծրագրով** նախատեսվում է Նախարարության ենթակայության «Ա.Ի. Ալիխանյանի անվան Ազգային գիտական լաբորատորիա» ՊՈԱԿ-ի տարածքում հիմնել Ուռուցքաբանության գերազանցության հայկական կենտրոն: Ծրագրի շրջանակում իրականացվել են հետևյալ քայլերը.

- ՀՀ կառավարության կողմից հաստատվել է Ուռուցքաբանության գերազանցության հայկական կենտրոն ստեղծելու ծրագիրը,
- ՀՀ կառավարության և բելգիական «ՔեյԲՄԻ ԷնՎի» բանկի միջև կնքվել է վարկային համաձայնագիր, ինչպես նաև ստորագրվել է ՀՀ կառավարության և «ԱյԲիԷյ Մոլեկուլյար» ընկերության միջև պայմանագիրը,
- հիմնադրվել է «Ռադիոիզոտոպների արտադրության կենտրոն» փակ բաժնետիրական ընկերությունը,
- Նախարարի հրամանով հաստատվել է «Ռադիոիզոտոպների արտադրության կենտրոնի» կանոնադրությունը, նշանակվել է գլխավոր տնօրենի պաշտոնակատար, ձևավորվում է ընկերության խորհրդի կազմը,
- շրջանառության մեջ է ՀՀ կառավարության որոշման նախագիծը, որով կլուծվի ռադիոիզոտոպների արտադրությունը կազմակերպելու նպատակով ընկերությանը տրամադրվելիք հողատարածքի հարցը:

Գիտելիքահենք տնտեսության ենթակառուցվածքի ձևավորում և զարգացում գերակա խնդրի շրջանակում Երևանի ֆիզիկայի ինստիտուտն Ազգային գիտական լաբորատորիայի վերակառուցման աշխատանքներ.

- ՀՀ կառավարությունը հաստատել է «Երևանի ֆիզիկայի ինստիտուտը Ա.Բ.Ալիխանյանի անվան ազգային գիտական լաբորատորիա վերանվանելու մասին» և «Երևանի ֆիզիկայի ինստիտուտի զարգացման ուղղությունների վերաբերյալ զեկույցին հավանություն տալու մասին» որոշումները,
- հաստատվել է «Ա.Բ.Ալիխանյանի անվան ազգային գիտական լաբորատորիա» ՊՈԱԿ-ի կանոնադրությունը, որին համապատասխան սկսվել է Ազգային գիտական լաբորատորիայի Միջազգային փորձագիտական և Կառավարման խորհրդակցական մարմինների ձևավորումը,
- ընդունվել է ՀՀ վարչապետի որոշումը Միջազգային փորձագիտական խորհրդակցական մարմին ստեղծելու մասին՝ Միջուկային հետազոտությունների ինստիտուտի միջուկային ռեակցիաների լաբորատորիայի գիտական ղեկավար, ՌԴ ԳԱ ակադեմիկոս Յու. Հովհաննիսյանի գլխավորությամբ,
- Նախարարի հրամանով ստեղծվել է Ա.Բ.Ալիխանյանի անվան ազգային գիտական լաբորատորիայի մասնաճյուղ՝ Կոսմոլոգիայի և աստղաֆիզիկայի ինստիտուտ անվամբ:

3. Զբոսաշրջություն

2010 թվականին Հայաստանում զբոսաշրջային արդյունաբերությունում պահպանվել են դինամիկ զարգացման տեմպերը: Հունվար-սեպտեմբեր ամիսներին Հայաստան ներգնա զբոսաշրջային այցելություններն աճել են 15,6%-ով՝ կազմելով 487 902: 2010 թվականի տարեկան կանխատեսումն առնվազն 10% աճն է, ինչը նշանակում է ավելի քան 630 000 հազար ներգնա զբոսաշրջային այցելություն:

Հայաստանում զբոսաշրջիկի իրավունքների լիարժեք իրականացման, զբոսաշրջային ծառայությունների որակի և զբոսաշրջային արդյունքի մրցունակության բարձրացման, ոլորտում ներդրումային բարենպաստ միաջավայրի ապահովման համար ինստիտուցիոնալ համակարգի ձևավորման նպատակով մշակվել և ՀՀ կառավարության քննարկման է ներկայացվել «Զբոսաշրջության մասին» նոր օրենքի նախագծի փաթեթ:

2010 թվականին որակավորման վկայական են ստացել 2 հյուրանոց, 1 հանգստյան տուն և 6 զբոսաշրջային տուն: Զբոսավարի գործունեության իրականացման իրավունք են ստացել 22 զբոսավար:

Նախարարության և Buzz Business ընկերության միջև կնքված պայմանագրի շրջանակներում «Հայաստան՝ Նոյի երկիր» վավերագրական ֆիլմը հեռարձակման նպատակով ձեռք է բերվել լեհական, չեխական, հունական, ֆրանսիական միջազգային հեռուստաալիքների կողմից:

Նախարարության և EuroNews հեռուստաալիքի միջև կնքված պայմանագրի համապատասխան EuroNews հեռուստաալիքով ներկայացվեց Տաթևի վանական համալիրի և Տաթև-Հալիձոր ճոպանուղու մասին 5 րոպե տևողությամբ մեկական տեսահոլովակ՝ յուրաքանչյուրը 1 շաբաթվա ընթացքում 20-ական անգամ:

Հայաստանի Ազգային մրցունակության հիմնադրամի հետ համագործակցությամբ կազմակերպվեց Մեծ Բրիտանիայի, Ֆրանսիայի, Իտալիայի և Ռուսաստանի թվով 25 լրագրողների ճանաչողական այց Հայաստան: Հայաստանի զբոսաշրջային արդյունքը ներկայացվել է չորս միջազգային հեղինակավոր զբոսաշրջային ցուցահանդես-տոնավաճառներում:

Երևանում կազմակերպվեց «Հայաստանը խոսող քարերի երկիր» (CTS-2010) հոբելենական 10-րդ միջազգային զբոսաշրջային ցուցահանդեսը:

Կազմակերպվել են Երևանում՝ Զբոսաշրջության միջազգային օրվան նվիրված տոնակատարությունը, Լոռու մարզում՝ Հայ խոհարարական արվեստի և ավանդական ուտեստների փառատոնը, Վայոց Ձորի մարզում՝ Գինու փառատոնը:

Ջերմուկ քաղաքի զարգացման 2009-2012թթ. ռազմավարության շրջանակներում Նախարարության, Ջերմուկի քաղաքապետարանի և շվեյցարական ԹայգերԴեվ Սյուիսս ընկերության միջև կնքվել է ռազմավարությունից բխող Ջերմուկ քաղաքի գլխավոր հատակագծում փոփոխությունների առաջարկությունների և ենթակառուցվածքների զարգացման ինժեներական լուծումների աշխատանքների պայմանագիր, որի շրջանակներում շվեյցարական ընկերությունը ներկայացրել է Ջերմուկ քաղաքի գլխավոր հատակագծի վերաբերյալ առաջարկությունները՝ մակետը և քարտեզները: Զարգացման ծրագիրը

(պատկերավորված մակետով) ներկայացվեց 2010թ. հոկտեմբերի 15-ին Ջերմուկում՝ ՀՀ Նախագահին և օտարերկրյա գործարարներին: Առաջարկությունների փաթեթը ներկայացվել է ՀՀ քաղաքաշինության նախարարություն՝ դրանք քննարկելու և սահմանված կարգով քաղաքի գլխավոր հատակագծում ներառելու նպատակով:

«Տաթև» զբոսաշրջային կենտրոն հայտարարելու մասին» ՀՀ կառավարության որոշման ներքո Հայաստանի ազգային մրցունակության հիմնադրամի հետ համագործակցությամբ մշակվեց և ՀՀ կառավարության կողմից հաստատվեց «Տաթև» զբոսաշրջային կենտրոնի զարգացման ծրագիրը: Ծրագրի շրջանակներում մասնավոր և պետական ներդրմամբ շահագործման է հանձնվել **աշխարհում մեկ կանգառով ամենաերկար՝ Տաթևի ճոպանուղին**, վերանորոգվել է Տաթև տանող ճանապարհը:

«Գառնի-Գեղարդ» զբոսաշրջային երթուղու հետ կապված խնդիրների լուծման միջոցառումների ծրագիրն իրականացվել է շահագրգիռ մարմինների և միջազգային կազմակերպությունների հետ համագործակցությամբ: ՀՀ մշակույթի նախարարության, ՄԱԿ հայաստանյան գրասենյակի և Գառնու համայնքի հետ համագործակցությամբ իրականացվել է Գառնու ամրոցի մուտքի հարթակում ավանդական ուտեստների, հուշանվերների և արհեստագործական արտադրանքի վաճառքի տաղավարների նախագծման և կառուցման աշխատանքները: Հայաստանի ազգային մրցունակության հիմնադրամի հետ համագործակցությամբ Գառնու մշակույթի տան շենքում ձևավորվել է Գառնի-Գեղարդ զբոսաշրջային երթուղու զբոսաշրջային տեղեկատվական-մարքեթինգային կենտրոն: Աղբահանության աշխատանքների շարունակականությունը կապահովվեն համայնքները՝ ծրագրի շրջանակներում ձեռք բերված և Գողթ համայնքին նվիրած աղբահանության կազմ տեխնիկայով:

Գեղարքունիքի մարզի Սևանի շրջանի Ծովագյուղ համայնքում մասնավոր ներդրմամբ ձևավորվել է Զմեռային զբոսաշրջավայր (լեռնադահուկային սպորտի ենթակառուցվածք՝ 1130 մետր ճոպանուղի և «Մխթամար» հյուրանոցային համալիր): Հյուրանոցն ունի 43 հյուրանոցային համար:

Մշակվել և ՀՀ կառավարության հավանությանն է արժանացել **«Սևանա լճի ափին բարձրլեռնային մարզական կենտրոն» հայեցակարգը**: Հայեցակարգով սահմանված նպատակներին համապատասխան, գերմանական մասնագիտացված կազմակերպության ներգրավմամբ մարզական կենտրոնի հիմնման նպատակահարմարության ուսումնասիրության և գործարար ծրագրի կազմման աշխատանքների ապահովման նպատակով Հայաստանի ազգային մրցունակության հիմնադրամի հետ կնքվել է համապատասխան պայմանագիր:

ՀՀ մարզպետարանների հետ համատեղ աշխատանքներ են իրականացվել հեղուկ վառելիքի մանրածախ վաճառակետերը հասարակական գույքաբաններով ապահովելու ուղղությամբ: Խորվաթական ընկերության հետ կնքվել է պայմանագիր 2 բարձրակարգ գույքաբանների ձեռքբերման նպատակով, որոնք նախատեսվում են տեղադրել Երևանի կենտրոն համայնքում:

«Շանհայ Էքսպո 2010» համաշխարհային ցուցահանդեսում Հայաստանը ներկայացրեց Գեոպոլիսի (Աշխարհի քաղաքի) մակետը 3D ֆորմատով՝ պատկերելով Արարատ լեռան լանջին Աշխարհի քաղաքի կառուցման առաջարկը: Միջոցառման կազմակերպիչների հավաստմամբ օն-լայն համակարգը այս կերպ լայորեն կիրառվում է առաջին անգամ «Շանհայ Էքսպո 2010-ին», իսկ Հայաստանը այն փոքրաթիվ երկրներից մեկն է, որը կարողացավ այդ համակարգով իրականացնել ամենադժվար ծրագրերից մեկը: Հայաստանի վիրտուալ տաղավարը ցուցահանդեսում արժանացավ ինովացիոն տեխնիկական լուծումների համար մրցանակին: Հայկական կողմին մրցանակը հանձնեց ֆրանսիական Dassault Systemes ընկերությունը, որը հանդիսանում է ծրագրավորման ոլորտում առաջատար կազմակերպություններից մեկը:

4. Գործարար միջավայրի բարեփոխումներ

ՀՀ կառավարության կողմից հաստատվեց Հայաստանի գործարար միջավայրի բարելավման միջոցառումների ծրագիրը: Դրանց իրականացման նպատակով ակտիվ աշխատանք է տարվել միջոցառումների կատարման համար պատասխանատու բոլոր գերատեսչությունների հետ, ապահովվել է

մասնակցություն վերջիններիս կողմից նախաձեռնված բոլոր իրավական ակտերի մշակման աշխատանքներին:

Ներդրողների պաշտպանության համակարգը բարելավելու ուղղությամբ Նախարարության նախաձեռնությամբ և Վերակառուցման և զարգացման եվրոպական բանկի (EBRD) օժանդակությամբ, ինչպես նաև ՀՀ կենտրոնական բանկի, Նասդաք ՕԷՄԷՔՍ Արմենիայի, ՀՀ ԿԱ պետական գույքի կառավարման վարչության աջակցությամբ մշակվել և ՀՀ կառավարության կողմից հավանության է արժանացել «Կորպորատիվ կառավարման կանոնագիրքը»: Կորպորատիվ կառավարումը ընկերություններին հնարավորություն կտա խթանելու ներդրումների ներգրավումը, բարձրացնելու որոշումների ընդունման արդյունավետությունը, ձեռնարկությունների նկատմամբ հասարակության վստահությունը:

Քաղաքաշինություն. Ինժեներական սպասարկում իրականացնող ծառայությունների կողմից տրվող օբյեկտի նախագծման տեխնիկական պայմանները կառուցապատողին են տրամադրվում («Մեկ պատուհանի» սկզբունքով՝ ճարտարապետահատակագծային առաջադրանքի հետ համատեղ ճարտարապետահատակագծային առաջադրանք տվողի կողմից:

Հարկային ոլորտ. Օրենսդրական փոփոխությունների արդյունքում շահութահարկի գծով ամսական վճարումները (կանխավճար, շահութահարկի նվազագույն գումար) կրճատվել են 8-ով, միաժամանակ 8-ով կրճատվել են պարտադիր սոցիալական ապահովության վճարների հաշվետվությունները: 2010թ. հունվարի 1-ից հարկային հաշվետվությունների էլեկտրոնային եղանակով ներկայացման ծրագրային համակարգում ներդրվել են 27 հաշվետվություններ:

Մաքսային ոլորտ. Օրենսդրական փոփոխությունների արդյունքում համապատասխանության պարտադիր հավաստման գործընթացը կիրականացվի մաքսագերծումից հետո՝ մինչև իրացնելը: Արդյունքում կրճատվում են մաքսային ձևակերպումների համար պահանջվող փաստաթղթերը և ժամանակը: Միաժամանակ, սահմանվել է չափման միջոցների տեսակի հաստատումը մաքսագերծումից հետո մինչև իրացում կամ շահագործում իրականացնելու պահանջը, ինչի արդյունքում էլ կրճատվում են մաքսային ձևակերպումների համար պահանջվող փաստաթղթերը և ժամանակը:

Նոր ստեղծվող բիզնեսի գրանցում «Մեկ պատուհանի կանգառ» սկզբունքի ներդրումով. Մշակված օրենսդրական փոփոխությունների փաթեթով նախատեսվել է, որ իրավաբանական անձի գրանցումը ամբողջությամբ կիրականացվի «Մեկ պատուհանի կանգառ» սկզբունքով: Ֆիրմային անվանման փորձաքննությունից բացի 2011 թվականի ապրիլից ՀՎՀՀ-ի ստացումը ՀՀ ԿԱ ՊԵԿ-ից նույնպես կապահովվի իրավաբանական անձանց պետական գրանցման գործակալությունը: Արդյունքում իրավաբանական անձանց պետական գրանցումը կիրականացվի 3-օրում: «Պետական տուրքի մասին ՀՀ օրենքում փոփոխություններ կատարելու» մասին ՀՀ օրենքով միավորվում են առևտրային կազմակերպությունների գրանցման և ֆիրմային անվանումների փորձաքննության համար գանձվող պետական տուրքերը (17000 ՀՀ դրամ): Արդյունքում կրճատվում են առևտրային կազմակերպությունների գրանցման համար անհրաժեշտ քայլերի քանակը և ժամկետները: Առևտրային կազմակերպությունների կողմից կնիքի օգտագործման պարտադիր պահանջի վերացման նպատակով ներկայացվել է մի շարք օրենքների նախագծերի փաթեթ:

Հաշվետվողականության պարզեցում. ՀՀ պետական կառավարման մարմիններին ներկայացվող հաշվետվությունների կազմի և բովանդակության վերանայման և կրճատման նպատակով իրականացվել են միջոցառումներ, որոնց արդյունքում նախատեսվում է, որ տնտեսվարող սուբյեկտները նույնատիպ տեղեկատվությունը կներկայացնեն մեկ պետական մարմին:

Պայմանագրերի կիրարկման ոլորտ. ՀՀ արդարադատության նախարարության ԴԱՀԿ ծառայությունում ներդրվել է պարտապանի գույքի հարկադիր իրացման աճուրդների իրականացման էլեկտրոնային համակարգ: Առցանց աճուրդի համակարգը բացառում է ինչպես պետական մարմինների, այնպես էլ այլ անձանց օրենքով չնախատեսված միջամտությունն աճուրդի ընթացքին:

Աշխատանքային հարաբերությունների կարգավորման ոլորտ. Արտաժամյա և գիշերային աշխատանքի համար նախկին «Ժամային դրույքաչափի մեկուկես անգամից ոչ պակաս չափով» հավելումը փոխարինվել է «արտաժամյա աշխատանքի յուրաքանչյուր ժամի համար, ժամային դրույքաչափից բացի, վճարվում է հավելում՝ ժամային դրույքաչափից 50 տոկոսից ոչ ցածր չափով, իսկ գիշերային աշխատանքի

յուրաքանչյուր ժամի համար՝ ոչ պակաս, քան ժամային դյուրքաչափի 30 տոկոսի չափով»: Աշխատողի և գործատուի միջև աշխատանքային հարաբերությունների ծագելը այժմ կողմերի համաձայնությամբ կարգավորվում է նաև աշխատանքի ընդունման մասին անհատական իրավական ակտով: Հստակեցվել են գործատուի նախաձեռնությամբ աշխատանքային պայմանագիրը լուծելու, առանց աշխատողին ծանուցման աշխատանքից ազատելու դեպքերը, աշխատանքային պայմանագիրը լուծելու դեպքերում գործատուի կողմից պարտադիր գրավոր ծանուցման ժամկետները, աշխատանքային պայմանագիրը լուծելու դեպքերում գործատուի կողմից վճարվող արձակման նպաստի չափը:

Տեսչական բարեփոխումներ. Տեսչական ստուգումների արգելքը մինչև 70 մլն. դրամ շրջանառություն ունեցող ձեռնարկատիրական գործունեությամբ զբաղվող տնտեսվարող սուբյեկտների մոտ ՀՀ կառավարության որոշմամբ երկարաձգվել է: Հայաստանում գործող տեսչությունների վերահսկման ոլորտների ուսումնասիրման արդյունքում մշակվել է տեսչական համակարգի նոր մոդել, որը գտնվում է վերջնական ամփոփման փուլում: Մշակվել և Խորհրդին է ներկայացվել «Պետական վերահսկողության մասին» ՀՀ օրենքի նախագիծը: Մշակվել է ռիսկի վրա հիմնված ստուգումների համակարգի մեթոդաբանություն, որը 3 պիլոտային տեսչություններում (Հրդեհային, Հիգիենիկ և հակահամաճարակային, Շուկայի և սպառողների շահերի պաշտպանության) գտնվում է ներդրման փուլում: Բարեփոխումների հանրային իրազեկման ծրագրի շրջանակներում հեռուստատեսությամբ հեռարձակվել են տեսչական բարեփոխումների վերաբերյալ 2 հեռուստահաղորդումներ: Գործում է նաև թեժ գիծ:

5. ՀՀ – Եվրոպական միություն, ՀՀ - Առևտրի համաշխարհային կազմակերպություն

Հայաստանին շուկայական տնտեսության կարգավիճակ շնորհելու գործընթացի շրջանակներում Եվրոպական Հանձնաժողովին ներկայացվել է ՀՀ ոչ-շուկայական տնտեսությամբ երկրի կարգավիճակի վերանայման հայց: Եվրոպական հանձնաժողովը հրատարակեց Հայաստանի վերաբերյալ զեկույցը, որի համաձայն Հայաստանը բավարարում է շուկայական տնտեսության 5 չափանիշներից երկուսին: Աշխատանքներ են տարվում հայկական կողմի դիրքորոշումն ամփոփող փաթեթը նախապատրաստելու և բանակցային գործընթացը վերսկսելու ուղղությամբ:

ՀՀ-ԵՄ ասոցացման համաձայնագրի բանակցությունները պաշտոնապես մեկնարկեցին հուլիսի 19-ին: Համաձայնագրի նախագծման և բանակցությունների իրականացման համար ՀՀ նախագահի կարգադրությամբ ստեղծվել են պատասխանատու բանակցային թիմ և երեք ոլորտային աշխատանքային խմբեր: 3-րդ աշխատանքային խմբի շրջանակներում եվրոպական կողմի արդյունավետ քննարկումների և բանակցությունների արդյունքում համաձայնեցվել են ապագա համաձայնագրի 9 գլուխներ:

ԵՄ-հետ Խոր և համապարփակ ազատ առևտրի համաձայնագիրը (ԽՀԱԱՀ) կազմում է ՀՀ-ԵՄ ասոցացման համաձայնագրի մաս, այդուհանդերձ վերջինիս նախապատրաստական և բանակցային գործընթացը առանձնացված է ՀՀ-ԵՄ ասոցացման համաձայնագրի բանակցային գործընթացից: ՀՀ վարչապետի որոշմամբ ձևավորվել է ԽՀԱԱՀ բանակցային գործընթացն ապահովող մարմինների գործունեության կառուցվածքը և կանոնակարգը: ԽՀԱԱՀ քաղաքական համակարգողի կողմից նշանակվել են ԽՀԱԱՀ գլխավոր բանակցողը և ԽՀԱԱՀ տեխնիկական համակարգողը: 2010թ. մարտի 24-ի ԽՀԱԱՀ Միջգերատեսչական հանձնաժողովի անդրանիկ նիստի ընթացքում ձևավորվել են ԽՀԱԱՀ 3 աշխատանքային խմբեր: Առևտրի տեխնիկական խոչընդոտների հարցերով աշխատանքային խմբի կողմից մշակվել և ՀՀ կառավարության կողմից հաստատվել է **ՀՀ որակի ենթակառուցվածքների բարեփոխումների ռազմավարությունը:**

ԽՀԱԱՀ մտավոր սեփականության իրավունքների հարցերով աշխատանքային խմբի կողմից պատրաստվել է Հայաստանի մտավոր սեփականության իրավունքների ոլորտի ռազմավարությունը, որը 2010թ. սեպտեմբերին ներկայացվել է Եվրոպական Հանձնաժողով և արժանացել հավանության:

ԽՀԱԱՀ սանիտարական և բուսասանիտարական հարցերով խմբի կողմից պատրաստվել է Հայաստանի սննդամթերքի անվտանգության ռազմավարությունը, և ներկայացվել ԵՄ Հանձնաժողովին:

ԵՄ Արևելյան գործընկերության շրջանակներում ձևավորվել են բազմակողմ համագործակցության 4 հարթակներ: «Տնտեսական ինտեգրում և ԵՄ քաղաքականության մոտարկում» պլատֆորմի

աշխատանքները հայկական կողմից համակարգում է Նախարարությունը: Այս պլատֆորմի շրջանակներում մինչ այժմ կայացել է 4 հանդիպում: Ստեղծվել են 3 աշխատանքային խմբեր (պանելներ): Եվրամիության հետ իրականացված բանակցությունների արդյունքում 2010թ. ապրիլի 6-ին ստորագրվեց 2011-2013թթ. ԵՀԳ Հայաստանի Ազգային Ինդիկատիվ Ծրագիրը, որի շրջանակներում Եվրոպական Հանձնաժողովի աջակցությունը 2011-2013թթ. համար կկազմի 157.3 մլն. Եվրո:

Պետական կառավարման մարմինների զարգացման համապարփակ ծրագիրը (CIB) հիմնական ինստիտուտների առկա կարողությունների և ռեսուրսների բազայի հիման վրա կազակցի գործընկեր կրկններին Ասոցացված համաձայնագրերի և ԽՀԱԱՀ կնքման և բանակցային գործընթացն ապահովելու հարցում: Եվրոպական հանձնաժողովի կողմից կազմված ծրագրի շրջանակային փաստաթղթի նախագիծը և փոխըմբռնման հուշագիրը ստորագրվել է 2010թ. նոյեմբերի 26-ին: CIB շրջանակներում նախատեսվում է 2011-2013թթ. ընթացքում Հայաստանին տրամադրել շուրջ 32 մլն Եվրո:

ԵՀԳ ներքո իրականացվող ԹՎինինիզ, Թայեքս և Միզմա ծրագրերի վերաբերյալ պետական կառավարման մարմիններին տեղեկատվության տրամադրման և կարողությունների զարգացման նպատակով կազմակերպվել և իրականացվել է ընդհանուր առմամբ **Թայեքս 27 միջոցառում**, այդ թվում՝ 15 աշխատաժողով, 1 փորձագիտական առաքելություն, 1 գնահատման առաքելություն, 1 ճանաչողական այց՝ ընդգրկելով ՀՀ 13 պետական մարմիններ, ինչպես նաև 9 ծրագրային հայտ՝ 2011թ. համար: Եվրոպական Միության հանձնաժողովի նախաձեռնությամբ Թայեքս ծրագրի շրջանակներում կազմակերպվել են 12 միջազգային աշխատաժողով, որին Հայաստանից մասնակցել են 36 պետական ծառայող:

ՀՀ պետական կառավարման մարմիններին ԹՎինինիզ ծրագրային հայտերի պատրաստման, ներկայացման, ինչպես նաև հաստատված թվինինիզ ծրագրային առաջարկների նախապատրաստական ԹՎինինիզ պայմանագրերի մշակման և ընթացքում գտնվող ծրագրերի իրականացման գործում տրամադրվել է խորհրդատվական աջակցություն: Արդյունքում ՀՀ պետական մարմինների կողմից ներկայացվել են մոտ 15 թվինինիզ ծրագրեր և հաստատվել են 6 ծրագրային առաջարկներ: Ստորագրվել է 2 ԹՎինինիզ պայմանագիր:

«Սնծովյան ավազանի երկրների անդրսահմանային համագործակցություն» ծրագրի վերաբերյալ կազմակերպվել են հանդիպումներ բոլոր մարզերում՝ հավանական դիմորդներին ներկայացնելով ծրագիրը, դրա առաջնային ոլորտները, դիմելու կարգն ու պայմանները, նաև անհրաժեշտության դեպքում տրվել է համապատասխան խորհրդատվություն: Ծրագրային գաղափարներին գործընկերներ գտնելու նպատակով դրանք փոխանցվել են մասնակից բոլոր երկրների համապատասխան կառույցներ: Նախնական ընտրության արդյունքում հաստատվել են հայկական 6 ծրագրեր՝ 1 առաջատար և 5 օժանդակող գործընկեր մասնաբաժնով:

ԱՀԿ Պետական գնումների մասին համաձայնագրին ՀՀ անդամակցության նպատակով Ժնևում տեղի են ունեցել երկկողմ բանակցություններ ԱՀԿ մի շարք անդամ երկրների հետ, ինչպես նաև ներկայացումներ և քննարկումներ են կատարվել ԱՀԿ պետական գնումների հանձնաժողովի նիստերում: Արդյունքում ԱՀԿ Պետական գնումների հանձնաժողովի նիստերում ներկայացվել և քննարկվել է Հայաստանի վերջնական վերանայված առաջարկների բանակցային փաթեթը: Ս.թ. դեկտեմբերի 7-ին կայացած ԱՀԿ Պետական գնումների հանձնաժողովի նիստում միաձայն որոշում է կայացվել Համաձայնագրին ՀՀ անդամակցության մասին: ԱՀԿ գլխավոր տնօրենի կողմից նշվել է, որ Համաձայնագրին ՀՀ անդամակցության գործընթացը կդառնա մոդելային մնացած երկրների համար:

Միջազգային տնտեսական համագործակցության շրջանակներում կատարվել են երկկողմ 69 և 7 բազմակողմ համաձայնագրերի բանակցային և ստորագրման նախապատրաստման աշխատանքներ:

Հայկական ծագման ապրանքների շուկայի մատչելիությունն ապահովելու նպատակով իրականացված աշխատանքների արդյունքում Հայաստանն ընդգրկվեց Նորվեգական արտոնությունների ընդհանրացված համակարգում (GSP): Հայկական ծագում ունեցող ապրանքները գրոյական կամ նվազեցված մաքսատուրքերով ներմուծվում են Նորվեգիա:

ԱՀԿ շրջանակներում ՀՀ առևտրային քաղաքականության վերաքննության նպատակով մշակվել և ԱՀԿ քարտուղարություն է ներկայացվել ՀՀ Ձեկույցը: ՀՀ պատվիրակությունը մասնակցել է ս.թ. ապրիլի 6-8-ը ԱՀԿ քարտուղարությունում կայացած ՀՀ առևտրային քաղաքականության լիազուրկ նիստին: Հայաստանի կողմից Վերաքննության շրջանակներում կատարված աշխատանքը բավականին բարձր է

գնահատվել ԱՀԿ քարտուղարության կողմից և Հայաստանը ճանաչվել է մոդելային երկիր ԱՀԿ անդամ երկրների շրջանակներում իր վարած ազատական առևտրային քաղաքականության առումով:

Ուկրաինայի կողմից ՀՀ նկատմամբ ԱՀԿ շրջանակներում վեճի կարգավորման գործընթացի շրջանակներում իրականացվել են անհրաժեշտ աշխատանքներ և գործողություններ Ուկրաինայի հետ երկկողմ բանակցությունների և խորհրդակցությունների միջոցով առևտրային վեճի կարգավորման համար: Ժնևում և Կիևում իրականացվել են բանակցություններ ուկրաինական կողմի հետ: Բանակցությունների արդյունքում ձեռք բերված պայմանավորվածությունների համաձայն ուկրաինական կողմը ետ է վերցրել ԱՀԿ վեճերի կարգավորման մարմին ներկայացված իր հայտը:

6. Առևտրի և ծառայությունների ոլորտ

2010թ. առևտրի և ծառայությունների ոլորտում վարվող քաղաքականության նպատակն է եղել ապահովել հավասար մրցակցային դաշտ, ձևավորել միջազգային պահանջներին համապատասխանող սպառողների շահերի պաշտպանության համակարգ, նպաստել գործընկեր պետություններ հայրենական ապրանքների ներմուծման ժամանակ սակագնային և ոչ սակագնային արգելքների նվազեցմանը:

Սպառողական շուկայի կարգավորման ոլորտում մշակվել և ՀՀ կառավարության քննարկմանն է ներկայացվել «Առևտրի և ծառայությունների մասին» ՀՀ օրենքում փոփոխություններ և լրացումներ կատարելու մասին» ՀՀ օրենքի նախագիծը և դրանից բխող այլ օրենքների նախագծեր, որոնց ընդունումը թույլ կտա հստակեցնել տնտեսավարող «սուբյեկտ- պետություն- տեղական ինքնակառավարման մարմին շղթայում ծագած փոխհարաբերությունները:

Վերուծվել են ԱԳԼՃԿ-ներում նոր գազալիքքավորման աշտարակների տեղադրման հետ կապված առկա խնդիրները, դրանց լուծման հնարավոր ուղղությունները, որի վերաբերյալ ՀՀ կառավարություն է ներկայացվել վերլուծական տեղեկանք և առաջարկություններ: Տեխնիկական կանոնակարգի պահանջների ապահովման գործընթացում արդյունավետությունն ապահովելու և ավելորդ վարչարարությունից խուսափելու նպատակով ուժի մեջ մտնելու ժամկետները երկարաձգվել են մինչև 2011 թ. ապրիլի 1-ը, որի հետ կապված ՀՀ կառավարություն է ներկայացվել և հավանության է արժանացել համապատասխան որոշման նախագիծը:

Իրականացվել է շուրջ 49 առևտրի իրականացման վայրի կազմակերպչի լիցենզավորում, ապահովվելով ՀՀ պետական բյուջե մուտքեր՝ 81 մլն դրամ:

Սպառողների շահերի պաշտպանության ոլորտում մշակվել և ՀՀ կառավարության քննարկմանն է ներկայացվել «ՀՀ-ում միջազգային չափանիշներին համապատասխան սպառողների շահերի պաշտպանության համակարգի ապահովման հայեցակարգի նախագիծը:

Արտաքին առևտրի ոլորտում շարունակվել են բանակցություններ «ԱՊՀ պետությունների ազատ առևտրի գոտու ստեղծման մասին» Համաձայնագրի շուրջ: Մշակվել է ապրանքի ծագման երկրի հավաստագրերի տրամադրման և փորձաքննության անցկացման կարգի փոփոխություն, որի ընդունումը թույլ կտա կրճատել տնտեսավարող սուբյեկտների կողմից հավաստագրման գործընթացի համար ծախսվող ժամանակը և ծախսերը, մասնավորապես՝ սերիական արտադրության ապրանքների համար պարբերաբար ծագման երկրի հավաստագիր կտրամադրվի միայն առաջին անգամ փորձաքննություն իրականացնելով: Կներդվի նաև հավաստագրի տրամադրման մեկ պատուհանի սկզբունքը և փաստաթղթերի ներկայացման էլեկտրոնային եղանակը:

Մշակվել և ԱՊՀ գործադիր կոմիտե է ներկայացվել ՀՀ առևտրային քաղաքականության ակնարկը:

ՀՀ կառավարության քննարկմանն է ներկայացվել օրենսդրական փաթեթ, որով նախատեսվում է ԵՄ երկրներ արտահանման ժամանակ ծագման երկրի հավաստագրի տրամադրման իրավասությունը ՀՀ ԱԱ պալատից փոխանցել ՀՀ մաքսային ծառայությանը:

Տրամադրվել է «Ժամանակավոր ներմուծում/արտահանում՝ վերամշակման համար ներմուծված/արտահանված ապրանքների վերամշակումից հետո ստացվելիք արդյունքի վերաբերյալ» թվով 650 եզրակացություն:

Վերանայվել է երկակի նշանակության ապրանքների արտահանման հսկողության համակարգը: Նոր Համակարգի իրավական կարգավորման նպատակով ընդունվել է համապատասխան նոր օրենք, դրա կիրարկումն ապահովող ենթաօրենսդրական ակտեր: Նոր համակարգը ենթադրում է առավել արդյունավետ հսկողության մեխանիզմներ, պարզեցված ընթացակարգեր: Լիազոր մարմին է ճանաչվել Նախարարությունը: Նախաձեռնվել է միջազգային չափանիշներին համապատասխան հսկողության էլեկտրոնային համակարգի ներդրումը:

Աջակցություն է ցուցաբերվել հայ կոնյակագործների մասնագիտական միության ստեղծման հարցում, որի արդյունքում 11 ընկերության մասնակցությամբ ստորագրվել է միության հիմնադիր պայմանագիրը:

7. Մտավոր սեփականության պահպանություն

2010թ. ապրիլի 29-ին ՀՀ ԱԺ կողմից ընդունվեցին և 2010թ. հուլիսի մեկից ուժի մեջ մտան մի շարք օրենքներ, որոնք նախատեսված են կատարելագործելու մտավոր սեփականության պահպանության օրենսդրական դաշտը: Նշված օրենքների հիմքում դրված են միջազգային առաջավոր փորձի, մասնավորապես՝ Եվրամիության համապատասխան դիրեկտիվների համապատասխան դրույթները: Մասնավորապես, «Ապրանքային նշանների մասին» ՀՀ օրենքով նախատեսված է ապրանքային նշաններին իրավական պահպանություն տրամադրելու այնպիսի ընթացակարգ, որն ավելի վաղ ծագած իրավունքների իրավատերերին հնարավորություն է տալիս նախապես ծանոթանալու և հարկ եղած դեպքում առարկելու այն ապրանքային նշանների գրանցումների դեմ, որոնց գրանցման և օգտագործման հետևանքով կխախտվեն իրենց իրավունքները: «Աշխարհագրական նշումների մասին» ՀՀ օրենքը հիմնովին փոխակերպել է աշխարհագրական նշումների իրավական պահպանության համակարգը, հաշվի են առնվել նաև ապրանքի ծագման տեղանունների իրավական պահպանության հետ կապված օրենսդրական բացերը: Նշված օրենքով կարգավորվել են նաև երաշխավորված ավանդական արտադրանքի հետ կապված հարաբերությունները և այդ արտադրանքի համապատասխան անվանումների պահպանության հարցերը: ՀՀ կառավարության որոշմամբ հաստատվել են թվով 5 ենթաօրենսդրական ակտեր: ՀՀ կառավարության քննարկմանն են ներկայացվել նաև «Աշխարհագրական նշումների մասին» ՀՀ օրենքից բխող ենթաօրենսդրական ակտերի նախագծերը:

ՀՀ կառավարության քննարկմանն է ներկայացվել «Գյուտերի, օգտակար մոդելների և արդյունաբերական նմուշների մասին» ՀՀ օրենքում փոփոխություններ և լրացումներ կատարելու մասին» ՀՀ օրենքը:

8. Հավատարմագրման գործունեություն

Կազմակերպվել է “Համապատասխանության գնահատման մարմինների հավատարմագրման ԵՄ-ի պահանջները” խորագրով աշխատաժողով, որի նպատակն էր անցկացնել ԵՄ հավատարմագրման համակարգի վերաբերյալ ուսուցում հայաստանյան որակի ենթակառուցվածքներում ներգրավված մասնագետների, ինչպես նաև “Հավատարմագրման մասին” նոր օրենքի մշակման գործընթացին մասնակից պետական ծառայողների համար: Աշխատաժողովի արդյունքում Գործակալության կողմից ԵՄ-ի փորձագետների հետ համատեղ մշակվեց Հայաստանի Հավատարմագրման Համակարգի Զարգացման Վերաբերյալ Առաջարկ:

Նախարարի հրամանով ստեղծված աշխատանքային խմբի կողմից ՀԲ փորձագետի հետ մշակվել է “Համապատասխանության գնահատման մարմինների հավատարմագրման մասին” ՀՀ նոր օրենքի նախագիծը, որը ներկայացվել է կարծիքի Հավատարմագրման նոր օրենսդրության մշակման և TBT (Առևտրում Տեխնիկական Խոչընդոտներ) աշխատանքային խմբերին:

Հաշվետու տարում գործակալությունը իրականացրել է շուրջ 60 հավատարմագրման հայտերին կից ներկայացված փաստաթղթերի փորձաքննության աշխատանքներ և կազմակերպել համապատասխանության գնահատման աշխատանքներ ըստ դրանց գտնվելու վայրի: Գործակալության ներկայացմամբ հավատարմագրման խորհրդի կողմից առ այսօր հավատարմագրվել կամ հավատարմագրման ոլորտը ընդլայնել են 56 փորձարկման լաբորատորիաներ և սերտիֆիկացման մարմիններ, մերժվել է 3 հավատարմագրման հայտեր և հետաձգվել 1 փորձարկման լաբորատորիայի հավատարմագրման հայտի քննարկում:

9. Շուկայի և սպառողների շահերի պաշտպանության վերահսկողություն

Վերահսկողություն է իրականացվել Երևան քաղաքում 105 և ՀՀ մարզերում 25 տնտեսավարող սուբյեկտներում: Ստուգման արդյունքներով կազմվել են 67 խախտման արձանագրություններ:

Տնտեսավարող սուբյեկտներին տրվել են կարգադրագրեր՝ չափման միջոցների շահագործման արգելման, տեխնիկական կանոնակարգերի պահանջներին չհամապատասխանող արտադրանքի կասեցման և ստուգման ակտում նշված թերությունները վերացման վերաբերյալ: Խախտումներ թույլ տված անձանց նկատմամբ նշանակվել է տուգանք 6,8 մլն դրամի չափով:

Իրականացվել են բազմաթիվ միջոցառումներ Երևան քաղաքի և ՀՀ մարզերի գյուղատնտեսական շուկաներում և առևտրական կազմակերպություններում, օգտագործվող չափիչ սարքերի համապատասխանելիությունը չափագիտական կանոնների ու նորմերի պահանջներին որոշելու համար: Խախտումներ թույլ տված անձանց նկատմամբ կիրառվել են վարչական տուգանքներ, չհամապատասխանող չափիչ սարքերը հանվել են շահագործումից, իսկ որոշ նյութեր ուղարկվել է քննչական մարմիններին համապատասխան ընթացք տալու նպատակով:

Սպառողներից, սպառողների շահերը պաշտպանող ՀԿ-ից տեսչությունը ստացել է 44 դիմում բողոքներ ոչ պարենային ապրանքների և մատուցվող ծառայությունների վերաբերյալ, որից 33-ը բավարարվել է իսկ մնացյալի վերաբերյալ առաջարկվել է հարցի լուծումը տեղափոխել դատարան:

Տ Ե Ղ Ե Կ Ա Ն Ք

2010 ԹՎԱԿԱՆԻ ԳԵՐԱԿԱ ԽՆԴԻՐՆԵՐԻ ԵՎ ՄԻՋՈՑԱՌՈՒՄՆԵՐԻ ՉՈՐՐՈՐԴ ԵՌԱՄՍՅԱԿԻ ԻՐԱԿԱՆԱՑՄԱՆ ԱՐԴՑՈՒՆՔՆԵՐԻ

1	2	3	4
<p>ՀՀ Էկոնոմիկայի նախարարություն</p>	<p>173</p>	<p>“Որակյի ազգային ենթակառուցվածքների զարգացման հայեցակարգին հավանություն տալու մասին” ՀՀ կառավարության արձանագրային որոշման նախագիծը ՀՀ կառավարություն ներկայացնելը</p>	<p>ՀՀ էկոնոմիկայի նախարարի 25.11.2010թ. թիվ 16.21/5926-10 գրությամբ սահմանված կարգով և ժամկետում ներկայացվել է ՀՀ կառավարություն:</p>
	<p>174</p>	<p>“Փոքր և միջին ձեռնարկատիրությանը պետական աջակցության 2011 թվականի ծրագիրը հաստատելու մասին” ՀՀ կառավարության որոշման նախագիծը ՀՀ կառավարություն ներկայացնելը</p>	<p>ՀՀ էկոնոմիկայի նախարարի 29.11.2010թ. թիվ 01/5973-10 գրությամբ սահմանված կարգով և ժամկետում ներկայացվել է ՀՀ կառավարություն:</p> <p>Նախագծի լրամշակված տարբերակը ՀՀ էկոնոմիկայի նախարարի 16.12.2010թ. թիվ 01/6301-10 գրությամբ ներկայացվել է ՀՀ կառավարություն:</p>
	<p>175</p>	<p>“Հայաստանի Հանրապետությունում գիտելիքահենք տնտեսության ձևավորման հայեցակարգին հավանություն տալու մասին” ՀՀ կառավարության արձանագրային որոշման նախագիծը ՀՀ կառավարություն ներկայացնելը</p>	<p>ՀՀ էկոնոմիկայի նախարարի 30.12.2010թ. թիվ 01/16.12/6710-10 գրությամբ «Ինովացիոն տնտեսության ձևավորման մեկնարկային ռազմավարության հայեցակարգին հավանություն տալու մասին» ՀՀ կառավարության արձանագրային որոշման նախագիծը սահմանված կարգով ներկայացվել է ՀՀ կառավարություն:</p>
	<p>176</p>	<p>“Հայաստանի Հանրապետության 2011</p>	<p>ՀՀ էկոնոմիկայի 10.12.2010թ. թիվ 01/12.11/6251-10 գրությամբ սահմանված կարգով և ժամկետում</p>

	թվականի զբոսաշրջության զարգացման ծրագիրը հաստատելու մասին” ՀՀ կառավարության որոշման նախագիծը ՀՀ կառավարություն ներկայացնելը	ներկայացվել է ՀՀ կառավարություն:
177	‘Հայաստանի Հանրապետության մաքսային օրենսգրքում փոփոխություններ և լրացումներ կատարելու մասին’, ‘Հայաստանի Հանրապետության առևտրաարդյունաբերական պալատների մասին’ Հայաստանի Հանրապետության օրենքում փոփոխություններ և լրացումներ կատարելու մասին” ՀՀ օրենքների նախագծերի փաթեթը ՀՀ կառավարություն ներկայացնելը	ՀՀ Էկոնոմիկայի նախարարի 10.11.2010թ. թիվ 01/15.13/6249-10 գրությամբ սահմանված կարգով և ժամկետում ներկայացվել է ՀՀ կառավարություն:
178	“Հայաստանի գործարար միջավայրի բարելավման միջոցառումների ծրագրին հավանություն տալու մասին” ՀՀ կառավարության արձանագրային որոշման նախագիծը ՀՀ կառավարություն ներկայացնելը	ՀՀ Էկոնոմիկայի նախարարի 17.12.2010թ. թիվ 07/16.31/6388-10 գրությամբ սահմանված կարգով և ժամկետում ներկայացվել է ՀՀ կառավարություն:

ԳԵՐԱԿԱ ԽՆԴԻՐՆԵՐԻ ԻՐԱԿԱՆԱՑՄԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

Պատասխանատու	Ծրագրի	Գերակա խնդիրները	Գերակա խնդրի կատարմանն ուղղված քայլերը
--------------	--------	------------------	----------------------------------------

մարմինը	կետը		
1	2	3	4
<p>ՀՀ էկոնոմիկայի նախարարություն</p>	<p>66</p>	<p>Տնտեսության դիվերսիֆիկացման և արտահանման ներուժի բացահայտման ռազմավարության ներդրում</p>	<p>արդյունաբերական քաղաքականության ռազմավարության իրականացում</p> <ul style="list-style-type: none"> • Իրականացվել են հանրապետության արդյունաբերության ճյուղային վերլուծություններ, այդ թվում՝ սննդարդյունաբերության (հյութեր և ոչ ոգելից ըմպելիքներ, շոկոլադներ), ոսկերչության (ոսկերչական իրեր), մեքենաշինության (գործիքներ, հաստոցներ), ոչ մետաղական հանքանյութերի մշակման (պեոլիտ) ոլորտների ձեռնարկությունների գործունեությունը, բացահայտվել են վերջիններիս արտահանման խոչընդոտները, ներկայացվել են առաջարկություններ, զեկուցագրեր, շնորհանդեսներ, որոնց հիման վրա մշակվել և ՀՀ կառավարության քննարկմանն է ներկայացվել «Արտահանման կամ ներմուծման փոխարինման ներուժ ունեցող ընկերությունների հիմնախնդիրները և դրանց լուծմանն ուղղված միջոցառումները»: • Կատարվել է միջազգային փորձի ուսումնասիրություն և ներկայացվել են համապատասխան առաջարկություններ ՀՀ էներգետիկայի և բնական պաշարների նախարարությանը «Ընդերքի մասին» ՀՀ օրենսգիրքը, «Բնապահպանական և բնօգտագործման վճարների մասին» ՀՀ օրենքում փոփոխություններ և լրացումներ կատարելու մասին», «Բնապահպանական վերահսկողության մասին» ՀՀ օրենքում փոփոխություններ կատարելու մասին» և «Պետական տուրքի մասին» ՀՀ օրենքում փոփոխություն և լրացումներ կատարելու մասին» ՀՀ օրենքների նախագծերը եվրոպական օրենսդրության հետ ներդաշնակեցնելու նպատակով: • Ուսումնասիրելով միջազգային լավագույն փորձը՝ մշակվել և ներկայումս քննարկման փուլում է գտնվում «Թեժ գիծ» ձեռնարկատերերի աջակցման տեղեկատվական-խորհրդատվական համակարգի ստեղծման մոդելի նախագիծը: • ՀՀ-ում լիզինգի ինստիտուտի կատարելագործման

		<p>նպատակով ՀՀ էկոնոմիկայի նախարարությունը, Համաշխարհային բանկի աջակցությամբ, իրականացնում է ուսումնասիրություն հանրապետության լիզինգային օրենսդրությունը միջազգային օրենսդրությանը համապատասխանեցնելու ուղղությամբ: Ներկայումս մշակվում է օրենսդրական փոփոխությունների նախագիծը՝ համաձայն ՀԲ-ի փորձագետի ներկայացրած առաջարկությունների:</p> <ul style="list-style-type: none"> • ՀՀ կառավարության 2009թ. ապրիլի 30-ի N600-Ն որոշման համաձայն, ուսումնասիրվել և ամփոփվել է թվով 10 ընկերությունների ներդրումային ծրագրեր և ծրագրերի ընդլայնման առաջարկություններ, որի արդյունքում ՀՀ կառավարության քննարկմանն է ներկայացվել 7-ը, որոնք արժանացել են հավանության: • ՀՀ օրենքի 6.1 հոդվածի ժամանակային սահմանափակումները հանելու նպատակով, մշակվել է «Ավելացված արժեքի հարկի մասին» ՀՀ օրենքում փոփոխություն կատարելու մասին» և վերջինս անհետաձգելի համարելու մասին ՀՀ կառավարության որոշման նախագծերը, որոնք հավանության են արժանացել և ներկայացվել են ՀՀ Ազգային Ժողով: • Երևան քաղաքի աղբահանության և սանիտարական մաքրման ծրագրի մասով՝ անգլիական «Integrated Skills» ընկերության մասնագետների կողմից ներկայացված առաջին հաշվետվության արդյունքների հիման վրա սույն թվականի հուլիս ամսին կազմակերպվել է քննարկում ՀՀ վարչապետի մոտ: <p>Ներկայումս իրականացվում է աջակցություն խորհրդատուի կողմից իրականացվող աշխատանքներին՝ շուկայի ուսումնասիրություն, մրցույթի նախապատրաստում, աղբի հավաքման/մաքրման կոնցեսիաների համար մրցութային փաստաթղթեր/նախաորակավորում, աղբավայրի ՆՖԿՇի համար մրցութային փաստաթղթեր և նախաորակավորում:</p> <p>Կազմվել է աղբահանության ոլորտի օտարերկրյա ընկերությունների ցանկը, որոնք հնարավոր է հետաքրքրվածություն կցուցաբերեն մրցույթների նկատմամբ: Այդ ընկերությունների շրջանում ներկայումս իրականացվում են շուկայի ուսումնասիրության աշխատանքներ:</p>
--	--	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<p>Նախապատրաստական աշխատանքներ են ընթանում Երևան քաղաքի աղբահանության 2 օպերատորների, ինչպես նաև Նուբարաշենի աղբավայրի վերամշակման օպերատորի ընտրման աշխատանքների ուղղությամբ:</p> <p>Առաջարկություններ են ներկայացվել ՀՀ արդարադատության նախարարության կողմից մշակված «Աղբահանության և սանիտարական մաքրման մասին» ՀՀ օրենքի նախագծի լրամշակման ուղղությամբ՝ էլնելով պետություն-մասնավոր հատված համագործակցության համար բարենպաստ պայմանների ստեղծման անհրաժեշտությունից, որը արդեն իսկ քննարկվում է ՀՀ Ազգային Ժողովում:</p> <p>Համագործակցության աշխատանքներ են իրականացվում նաև «Թափոնների կառավարում – ԵՀԳԳ Արևելք» ծրագրի շրջանակներում, որտեղ քննարկվում է ՀՀ տարբեր մարզերում պիլոտային ծրագրերի իրականացումը:</p> <ul style="list-style-type: none"> • «Զվարթնոց» օդանավակայանի հարակից տարածքում ազատ տնտեսական գոտու և գյուղմթերքների լոգիստիկ կենտրոնի ստեղծման ծրագրի իրականացման համար ս.թ.սեպտեմբերին Զարգացման Հայկական Գործակալության աջակցությամբ ընտրվել է ծրագրի կառավարիչ (Project manager): <p>Երեք անգամ Հայաստան է հրավիրվել փորձագետ հոլանդական «Flora Holland» ընկերությունից՝ ուսումնասիրության անցկացման, բիզնես մոդելի մշակման և հոլանդական ծաղկի առևտրի բորսայի փորձը գյուղմթերքների լոգիստիկ կենտրոնում ներդնելու նպատակով և արդյունքում ներկայացվել է բիզնես մոդել, որը նաև տեղադրված է ՀՀ էկոնոմիկայի նախարարության կայք էջում:</p> <p>Մշակվել և սահմանված կարգով նախարարի հաստատմանն է ներկայացվել ծրագրի Համակարգող Խորհրդի կազմը:</p> <p>Սույն թվականի դեկտեմբերի 8-ին ՀՀ էկոնոմիկայի նախարարությունում կազմակերպվել է քննարկում ազատ տնտեսական գոտու Համակարգող Խորհրդի ներկայացուցիչների մասնակցությամբ, որտեղ ներկայացվել է ՀՀ տարածքում հավաքման կենտրոնների ստեղծման բիզնես մոդելը:</p> <p>Մշակվել է «Ազատ տնտեսական գոտիների մասին» ՀՀ օրենքի, ինչպես նաև այլ օրենքներում</p>
--	--	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<p>համապատասխան փոփոխություններ և լրացումներ կատարելու մասին օրենքներ նախագծերը, որը սահմանված կարգով ներկայացվել է ՀՀ կառավարություն:</p> <p>Մշակվել է «Հայաստանի Հանրապետության էկոնոմիկայի նախարարության և «Կորպորասիոն Ամերիկա ՄԱ» ընկերության միջև՝ «Զվարթնոց» օդանավակայանի հարակից տարածքում ազատ տնտեսական գոտի ստեղծելու նպատակով համագործակցության համաձայնագրի» նախագիծ, որով նախանշվել են ծրագրի շրջանակներում ՀՀ էկոնոմիկայի նախարարության և «Կորպորասիոն Ամերիկա ՄԱ» ընկերության կողմից իրականացվելիք աշխատանքների շրջանակները և համագործակցության ուղղությունները: Նախագիծը համապատասխան գրությամբ ներկայացվել է «Ամերիքան Ինթերնեյշնլ Էյրփորթս» ընկերության քննարկմանը:</p> <ul style="list-style-type: none"> • Իրականացվել են ուսումնասիրություններ հանրապետության տնտեսության կարևոր ոլորտների էլեկտրական, ջերմային էներգիայի և գազ սպառող կազմակերպությունների խմբերի որոշման ուղղությամբ, կազմակերպվել են մի շարք քննարկումներ շահագրգիռ կողմերի հետ (Հանրային ծառայությունները կարգավորող հանձնաժողով, ՀՀ էներգետիկայի և բնական պաշարների նախարարություն, ՀայՌուսԳազԱրդ, էներգահամակարգի օպերատոր, մարզպետարաններ): <p>Մշակվել է ՀՀ կառավարության որոշման նախագիծ, որն իր մեջ ներառում է առաջնահերթություններից օգտվող խումբ սպառողների ցանկերը (3 հավելվածով), որը համաձայնեցվել է ՀՀ մարզպետարանների, նախարարությունների և էներգամատակարարող կազմակերպությունների հետ, ինչպես նաև ստացվել է ՀՀ արդարադատության նախարարության պետական փորձագիտական եզրակացությունը:</p> <ul style="list-style-type: none"> • «Պետական-մասնավոր գործընկերության մասին» ՀՀ օրենքի նախագիծը լրամշակվել է SIGMA ծրագրի փորձագետների, ինչպես նաև շահագրգիռ մարմինների դիտողությունների և առաջարկությունների հիման վրա և ներկայացվել է ՀՀ արդարադատության նախարարություն՝ պետական փորձագիտական եզրակացություն ստանալու նպատակով: «ՄԻԳՄԱ»
--	--	-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<p>ծրագրի և ՀՀ Էկոնոմիկայի նախարարյան նախաձեռնությամբ հուլիս ամսին Մարիոթում կազմակերպվել է օրենքի նախագծի քննարկում պետական ու մասնավոր հատվածի շահագրգիռ կողմերի մասնակցությամբ: Մշակվել է ՊՄԳ ծրագրերի գնահատման և հաստատման կարգի նախագիծը և ներկայացվել է Փարիզում տեղի ունեցած SIGMA ծրագրի փորձագետների քննարկմանը:</p> <ul style="list-style-type: none"> • Հայաստանում պղնձաձուլական գործարանի կենսունակության վերլուծության տեխնիկատնտեսական հիմնավորման շրջանակներում մրցույթ է հայտարարվել, որի արդյունքում հաղթող է ճանաչվել «Ի-վի քոնսալտինգ» ընկերությունը: ՀՀ հանքարդյունահանման ձեռնարկություններում «Ի-վի քոնսալտինգ» ընկերության հետ համատեղ կատարվել են ուսումնասիրություններ հանրապետության հանքահումքային արժեշղթա կազմող կազմակերպությունների մասնագետների հետ: Արդյունքում կատարվել են ուսումնասիրություններ ու վերլուծություններ և ներկայացվել է հաշվետվություն: • Ժամանակակից պահանջներին համապատասխան սարքավորումներով ապահովելու նպատակով ՀՀ կառավարության կողմից երկարաձգվել է 3 ընկերությունների կողմից «Ժամանակավոր ներմուծում» մաքսային ռեժիմով ներմուծված մեքենասարքավորումների համապատասխան ռեժիմի ժամկետը: • Մշակվել է «ՀՀ մաքսային օրենսգրքում փոփոխություններ կատարելու մասին» ՀՀ օրենքի նախագիծ և ներկայացվել ՀՀ կառավարություն, որը հավանության է արժանացել և համարվելով անհետաձգելի ընդունվել է ՀՀ Ազգային Ժողովի կողմից: Օրենքը նախատեսում է համապատասխան փոփոխություններ իրականացնել, որոնք ենթադրում են ընկերությունների կողմից ներմուծվող ապրանքների նկատմամբ հաշվարկված ԱԱՀ-ի երկարաձգում՝ արտահանման պայմանով և նախագծի ընդունման դեպքում վերջիններս պետք է ներկայացնեն նաև համապատասխան ներդրումային ծրագրեր, որը թույլ կտա վարչության կողմից հստակ մոնիտորինգի ենթարկել դրանց գործունեությունը և արդյունքները: • ՀՀ արդյունաբերողների և գործարարների միության
--	--	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<p>հետ համատեղ ս.թ. սեպտեմբերին իրականացվել է հանրապետության թեթև արդյունաբերության ապրանքների ցուցահանդես-վաճառք՝ ոլորտի 50-ից ավելի կազմակերպությունների մասնակցությամբ, որի շրջանակներում կազմակերպվել է կլոր սեղան՝ պետական մարմինների, ոլորտի մասնագետների և շահագրգիռ կազմակերպությունների մասնակցությամբ, որի ընթացքում ուսումնասիրվել են ոլորտի զարգացմանը խոչնդոտող խնդիրները և քննարկվել հետագա զարգացման ուղիները:</p> <p>➤ գիտելիքահենք տնտեսության ենթակառուցվածքի ձևավորում և զարգացում</p> <p><i>Երևանի ֆիզիկայի ինստիտուտն Ազգային գիտական լաբորատորիայի վերակառուցման ուղղությամբ իրականացվել են հետևյալ աշխատանքները՝</i></p> <ul style="list-style-type: none"> • ՀՀ Էկոնոմիկայի նախարարության կողմից մշակվել և ՀՀ կառավարության կողմից 17.06.10թ. հաստատվել են «Երևանի ֆիզիկայի ինստիտուտը Ա.Բ.Ալիխանյանի անվան ազգային գիտական լաբորատորիա վերանվանելու մասին» ՀՀ կառավարության N 758-Ն որոշումը և «Երևանի ֆիզիկայի ինստիտուտի զարգացման ուղղությունների վերաբերյալ զեկույցին հավանություն տալու մասին» ՀՀ կառավարության արձանագրային N 23 որոշումը: • Մշակվել և ՀՀ Էկոնոմիկայի նախարարի 29.09.2010թ. N 794-Ա հրամանով հաստատվել է «Ա.Բ.Ալիխանյանի անվան ազգային գիտական լաբորատորիա» ՊՈԱԿ-ի կանոնադրությունը: • Մշակվել և ընդունվել է ՀՀ վարչապետի 01.12.2010թ. «Ա.Բ.Ալիխանյանի անվան ազգային գիտական լաբորատորիա» ՊՈԱԿ-ի փորձագիտական խորհրդակցական մարմին ստեղծելու և Յու.Հովհաննիսյանին այդ մարմնի ղեկավար նշանակելու մասին» N 1049-Ա որոշումը: • ՀՀ Էկոնոմիկայի նախարարի 06.12.2010թ. N 1008-Ա հրամանով ստեղծվել է «Ա.Բ.Ալիխանյանի անվան ազգային գիտական լաբորատորիա» ՊՈԱԿ-ի մասնաճյուղ՝ Կոստոյրգիայի և աստղաֆիզիկայի ինստիտուտ անվամբ: <p><i>Հայաստանում միջուկային բժշկության կենտրոնի ստեղծման ծրագրի շրջանակում իրականացվել են հետևյալ աշխատանքները՝</i></p>
--	--	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<ul style="list-style-type: none"> • 2010թ. հոկտեմբերի 7-ին ընդունվել է ՀՀ էկոնոմիկայի նախարարության կողմից մշակված «Ուռուցքաբանության գերազանցության հայկական կենտրոն ստեղծելու ծրագրին հավանություն տալու, «Ռադիոհիգոտոպների արտադրության կենտրոն» ՓԲԸ ստեղծելու և ՀՀ կառավարության 2009թ. փետրվարի 19-ի N310-Ն որոշման մեջ փոփոխություն կատարելու մասին» ՀՀ կառավարության որոշումը, որին համապատասխան հիմնադրվել է «Ռադիոհիգոտոպների արտադրության կենտրոն» ՓԲԸ: • Ընդունվել է ՀՀ կառավարության 07.10.2010թ ՀՀ կառավարության և «Քեյ Բի Սի Էն Վի» բելգիական բանկի միջև վարկային համաձայնագրի նախագծին հավանություն տալու և ՀՀ ֆինանսների նախարարին լիազորություն վերապահելու մասին N1353-Ա որոշումը: • 2010թ. նոյեմբերի 23-ին ՀՀ կառավարության և բելգիական «ՔեյԲՍԻ ԷնՎի» բանկի միջև կնքվել է վարկային համաձայնագիրը, ինչպես նաև ստորագրվել է ՀՀ կառավարության և «ԱյԲԻԷյ Սոլեկույար» ընկերության միջև պայմանագիրը: • ՀՀ էկոնոմիկայի նախարարի 10.12.2010թ. N 1025-Ա հրամանով հաստատվել է «Ռադիոհիգոտոպների արտադրության կենտրոն» ՓԲԸ-ի կանոնադրությունը, նշանակվել գլխավոր տնօրենի ժամանակավոր պաշտոնակատար: • Մշակվել է և մինչև տարեվերջ ՀՀ կառավարության քննարկմանը կներկայացվի «ՀՀ կառավարության 2010թ. հոկտեմբերի 7-ի N 1424-Ն որոշման մեջ լրացում կատարելու մասին» ՀՀ կառավարության որոշման նախագիծը, որով կապահովվի ընկերությանը հողատարածքի տրամադրման հարցը: <p>➤ զբոսաշրջային արդյունքի դիվերսիֆիկացիա, միջազգային զբոսաշրջային շուկայում Հայաստանի զբոսաշրջային արդյունքի մրցունակության ամրապնդում և բարձրացում</p> <p>Համաձայն ՀՀ կառավարության 2010 թվականի փետրվարի 11-ի “Հայաստանի Հանրապետությունում զբոսաշրջության զարգացման 2010 թվականի ծրագիրը հաստատելու մասին” թիվ 203-Ն որոշման Հայաստանի ազգային մրցունակության հիմնադրամի հետ կնքվել է համապատասխան պայմանագիրը:</p> <p>Ծրագրի շրջանակներում 2010թ.-ի ընթացքում</p>
--	--	-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<p>իրականացվել են հետևյալ աշխատանքները՝</p> <ul style="list-style-type: none"> • Հայաստանը մասնակցություն է ունեցել “Vakantiebeurs’2010” (Ուտրեխտ), ITB 2010 (Բեռլին), “Top Resa” (Փարիզ) միջազգային ցուցահանդեսներին, • Տպագրվել են “Նռան բամբասանք” խորագիրը կրող տեղեկագիրը, հայական գրասաշրջային գրավչությունները ներկայացնող, Հայաստանի պատմության, մշակույթի, արվեստի, կրոնի, խոհանոցի վերաբերյալ գերմաներեն լեզվով /2000 օրինակ/ “Armenia Ancient~Amiable” 19 էջից բաղկացած գունազարդ բրոշյուրը, Հայաստանի և Ղարաբաղի A1 ֆորմատի քարտեզը /3000 օրինակ/, Երևանի և Հայաստանի A3 ֆորմատի գերմաներեն լեզվով քարտեզը /2000 օրինակ/: Քարտեզը ներառում է հակիրճ և համապարփակ տեղեկատվություն Հայաստանի բնակչության, բոլոր մարզերի և մարզկենտրոնների, ինչպես նաև՝ Հայաստանի բնակավայրերի միջև հեռավորության վերաբերյալ: • Միջազգային զբոսաշրջության օրվան նվիրված 2010 թվականի սեպտեմբեր ամսին Անի հյուրանոցում կազմակերպվել է տոնակատարություն, որի շրջանակներում ՀՀ էկոնոմիկայի նախարարի կողմից ոլորտի ներկայացուցիչներին հանձնվել են շքանշաններ և պատվոգրեր: <p>Կազմակերպվել են Մշակութային միջոցառում-փառատոն Ախթալայում և Բերքի և գինու փառատոն՝ Արենիում: Միջոցառման նպատակն էր մրցույթ-փառատոնի միջոցով մասնակիցներին ներկայացնել Հայաստանի պատմամշակութային, կրոնական հարուստ ժառանգությունը, խոհանոցային ավանդույթները:</p> <p>ՀՀ կառավարության 2009 թվականի հունիսի 26-ի N 848-Ն որոշմամբ հաստատվել է “Տաթև” զբոսաշրջային կենտրոն հայտարարելու մասին” ՀՀ կառավարության որոշումը: ՀՀ էկոնոմիկայի նախարարության նախաձեռնությամբ և Հայաստանի ազգային մրցունակության հիմնադրամի հետ համագործակցության արդյունքում մշակվել և 2010 թվականի հուլիսի 29-ի N 29 արձանագրային որոշմամբ ՀՀ կառավարության հավանությանն է արժանացել “Տաթև” զբոսաշրջային կենտրոնի զարգացման ծրագիրը:</p>
--	--	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<p>Ծրագրի շրջանակներում 2010 թվականի հոկտեմբերի 16-ին կազմակերպվել է Հալիձոր-Տաթև ճոպանուղու բացման միջոցառումը: Ի կատարումն ՀՀ վարչապետի հանձնարարականի վերջինիս CNN և Euronews հեռուստաալիքներով լուսաբանելու նպատակով նախարարության և CNN և Euronews հեռուստաընկերությունների հետ վարվել են բանակցային գործընթացներ, որի արդյունքում EuroNews հեռուստաընկերության կողմից ներկայացված մի քանի առաջարկներից լուսաբանման համար ընտրվել է լավագույն տարբերակը, որի հեռարձակումը EuroNews հեռուստաալիքով կնպաստի միջազգային շուկայում Հայաստանի, որպես զբոսաշրջության համար գրավիչ և ներդրումների ու ձեռնարկատիրական գործունեության համար բարենպաստ երկրի նկարագրի ձևավորմանը: Միջոցառմանը հյուրընկալել են լրագրողներ Մեծ Բրիտանիայի, Ֆրանսիայի, Իտալիայի և Ռուսաստանի տարբեր լրատվամիջոցներից, որոնց այցի արդյունքում կտպագրվեն նվազագույնը 20-25 հոդված, ինչպես նաև կհեռարձակվեն մի շարք հեռուստահաղորդումներ՝ իսթան հանդիսանալով Հայաստանի ներգնա զբոսաշրջության և ներդրումային ծրագրերի զարգացման համար:</p> <p>Միաժամանակ, ՀՀ էկոնոմիկայի նախարարության կողմից մշակվել և 2010 թվականի օգոստոսի 5-ին ՀՀ կառավարության կողմից հավանության է արժանացել “Տաթևի վանական համալիրը և Տաթև-Հալիձոր ճոպանուղու բացման արարողությունը ներկայացնող տեսահոլովակների պատրաստման և Euronews հեռուստաալիքով հեռարձակման, մի շարք միջազգային հեղինակավոր լրատվամիջոցների Հայաստան ճանաչողական այցի կազմակերպման և ՀՀ էկոնոմիկայի նախարարությանը գումար հատկացնելու մասին” ՀՀ կառավարության թիվ 1132-Ն որոշումը: Համաձայն որոշման 1-ին կետի 1-ին ենթակետի EuroNews հեռուստաընկերության հետ կնքվել է համապատասխան պայմանագիր: Վերջինիս կողմից տեսահոլովակները 20 անգամ արդեն իսկ հեռարձակվել են EuroNews հեռուստաալիքով:</p> <p>Ջերմուկ քաղաքի զարգացման հայեցակարգային նպատակների ու խնդիրների իրականացման նպատակով 2010 թվականի հունիսի 20-21-ը</p>
--	--	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

			<p>աշխատանքային այցով Հայաստանում է եղել ՀՀ Էկոնոմիկայի նախարարության հետ պայմանագիր կնքած շվեյցարական “Թայգեր Դեվ Սյուիս ՍՍ” ընկերությունը, որի հետ քննարկվել են քաղաքի զարգացման հիմնական ուղղությունները: Միաժամանակ, շվեյցարական ԹայգերԴեվ Սյուիսս ընկերությունը ՀՀ Էկոնոմիկայի նախարարության և Ջերմուկի քաղաքապետարանի հետ 2009 թվականի դեկտեմբերի 24-ին կնքած պայմանագրի համապատասխան ներկայացրել է Ջերմուկ քաղաքի զարգացման ռազմավարությունից բխող քաղաքի գլխավոր հատակագծում առաջարկությունները: Ներկայացված առաջարկները արդեն իսկ ներկայացվել են ՀՀ քաղաքաշինության նախարարության կարծիքի:</p> <p>Միաժամանակ, հաշվի առնելով, որ Հալիձոր-Տաթև ճոպանուղու բացման և Ջերմուկ քաղաքի զարգացման ռազմավարության շնորհանդեսի /Road Show/ կազմակերպման ժամկետները համընկել են՝ Տաթևի ճոպանուղու բացման օրը իրականացվել է նաև Ջերմուկի զարգացման ծրագրի ընթացքի շնորհանդեսը /Road Show/:</p>
67	Համաշխարհային ֆինանսա-տնտեսական ճգնաժամից ելքի քաղաքականության ձևակերպում		<p>➤ վերլուծությունների և հետազոտությունների իրականացում</p> <p>«Տնտեսության դիվերսիֆիկացիա և արտահանման ընդլայնում» խորագրով Հայաստանի տնտեսական զեկույցի 2010 թվականի թողարկումը պատրաստ է և հանձնվել է տպագրության:</p> <p>➤ երկարաժամկետ տեսլականի ձևավորում</p> <p>Սեպտեմբերի 10-ին Հայաստանում Ամերիկյան Համալսարանի հետ համատեղ կազմակերպվեց ԱՄՆ Հարվարդի համալսարանի պրոֆեսոր Ռ.Հաուսմանի և մասնագիտական, ուսանողական շրջանակների հետ հանդիպում-քննարկումը Հայաստանի հեռանկարային զարգացման վերաբերյալ: Սեպտեմբերի 11-12-ը Դիլիջան քաղաքում նախարարը և նախարարի տեղակալներ մասնակցեցին Հայաստանի տնտեսական զարգացման հեռանկարների վերաբերյալ բարձրաստիճան քննարկումներին:</p> <p>Քննարկումներ արդյունքում ՀՀ վարչապետի հանձնարարությամբ մշակվում է Արտահանման</p>

		<p>ուղղվածությամբ արդյունաբերական քաղաքականության փաստաթուղթը, որի նախնական հիմնադրույթները քննարկվել են ՀՀ վարչապետի մոտ:</p> <p>Քննարկման արդյունքների հիման վրա փաստաթուղթը լրամշակվում է, որի շրջանակներում նախարարությունը համագործակցում է Մաք Քինգի ընկերության ներկայացուցիչների հետ:</p> <p>Քաղաքականության մոտեցումներն ու սկզբունքները գործարար շրջանակներին են ներկայացվել դեկտեմբերի 10-ին Համաշխարհային բանկի հետ Ամերիկյան համալսարանում կայացած կոնֆերանսի ընթացքում:</p> <p>➤ կարճաժամկետ գործողությունների ծրագրի մշակում</p> <p>ԿԶԾ աշխատանքային խորհրդի, ինչպես նաև միջազգային դոնոր կազմակերպությունների և շահագրգիռ պետական կառավարման մարմինների շրջանակներում քննարկվել են Կայուն Զարգացման Ծրագրի վերանայման սկզբունքները, մոտեցումներն ու մեխանիզմները: ՀՀ էկոնոմիկայի նախարարության մասով ՀՀ կառավարության 2011 թվականի գերակա խնդիրների շարքում ամրագրվել է ԿԶԾ վերանայման խնդիրը:</p>
68	<p>Որակի ազգային ենթակառուցյունների (հավատարմագրում, ստանդարտացում, չափումների միասնականության ապահովում և համապատասխանության ն հավաստում) համակարգերի ներդաշնակեցում միջազգային չափանիշներին</p>	<p>➤ գործող համակարգերի բարեփոխումների ճանապարհային քարտեզի մշակում և դրանից բխող միջոցառումների իրականացում</p> <p>Որակի ազգային ենթակառուցյունների համակարգերի՝ միջազգային չափանիշներին համապատասխանեցնելու ուղղությամբ իրականացվել են հետևյալ միջոցառումները.</p> <ul style="list-style-type: none"> • Ս.թ. դեկտեմբերին արտաքին առևտրին առնչվող ոչ սակագնային կարգավորման ընթացակարգերը ներկայացվել են փոփոխման, համաձայն որոնց պարզեցվել են ներմուծման գործընթացները: Այդ նպատակով մշակվել է մի շարք օրենքներում և որոշումներում փոփոխություններ կատարելու վերաբերյալ օրենսդրական փաթեթ: Օրենսդրական փոփոխությունները ուղղված են Հայաստանի Հանրապետության գործարար միջավայրի բարելավմանը, ըստ որի ապրանքի համապատասխանության պարտադիր հավաստման

			<p>աշխատանքներն իրականանում են ապրանքը Հայաստանի Հանրապետության տարածք ներկրելուց (ներմուծվելուց) հետո մինչև իրացման փուլը: Նախատեսվում է ներմուծված արտադրանքի ճանաչման ՀՀ կառավարության կողմից հաստատվող նոր ընթացակարգերի հաստատում, համաձայն որոնց միջազգային ճանաչում ունեցող մարմինների (սերտիֆիկացման) կողմից տրված սերտիֆիկատները Հայաստանի Հանրապետությունում կճանաչվեն պարզեցված ընթացակարգերով:</p> <ul style="list-style-type: none"> • ԵՄ համապատասխան տեխնիկական կանոնակարգերին մոտարկելու և «Աշխարհագրական նշումների մասին» ՀՀ օրենքը հստակեցնելու նպատակով փոփոխություններ են կատարվել «Շշալցված հանքային ջրերին ներկայացվող պահանջների վերաբերյալ տեխնիկական կանոնակարգում»: Գործող տեխնիկական կանոնակարգերում ստանդարտների վկայակոչումը դրանց կիրառումը պարտադիր էր դարձնում, իսկ փոփոխության արդյունքում կիրառարակվի ցանկը և կգործի կամավորության սկզբունքը: Կազմվել է Հայաստանում որակի ազգային ենթակառուցվածքի ճանապարհային քարտեզի նախագիծ, որը ներառվել է «Որակի ենթակառուցվածքների քարտեզի մասին» ռազմավարության մեջ:
69	Հայաստանի՝ որպես ձեռնարկատիրական գործունեության իրականացման համար բարենպաստ երկրի նկարագրի ձևավորում և ամրապնդում		<p>➤ Հայաստանի գործարար և ներդրումային միջավայրի «Գերազանցության կենտրոն» համազգային ծրագրի հայեցակարգի իրականացում 2008թ. սեպտեմբերի 25-ին կայացած ՀՀ կառավարության նիստի թիվ 39 արձանագրային որոշմամբ հավանության արժանացած «Հայաստանի գործարար և ներդրումային միջավայրի «Գերազանցության կենտրոն» համազգային նախագծի» հայեցակարգը գտնվում է իրականացման փուլում: Հայաստանը տարածաշրջանում գործարար և ներդրումային միջավայրի «Գերազանցության կենտրոն» դարձնելու և գործարար միջավայրի բարելավման շարունակականությունն ապահովելու նպատակով 2010 թվականի դեկտեմբերի 9-ին ընդունվել է «Հայաստանի գործարար միջավայրի բարելավման միջոցառումների ծրագրին հավանություն տալու և ՀՀ կառավարության</p>

			<p>2010թ. հունվարի 21-ի N97-Ն որոշումն ուժը կորցրած ճանաչելու մասին» ՀՀ կառավարության որոշումը, որով հաստատվել է գործարար միջավայրի բարելավման միջոցառումների նոր ծրագիրը:</p> <p>Համաձայն ծրագրի յուրաքանչյուր միջոցառում իրականացվելու է տվյալ ոլորտի համար պատասխանատու գերատեսչության կողմից: ՀՀ էկոնոմիկայի նախարարությունը հանդիսանում է իր իրավասությանը վերաբերող միջոցառումների իրականացնող, ինչպես նաև ամբողջ ծրագրի համակարգող: Դրա հետ մեկտեղ ՀՀ էկոնոմիկայի նախարարությունը ծրագրի իրականացման ընթացքի վերաբերյալ իրականացնելու է մոնիտորինգ և ամսական հաշվետվություններ է ներկայացնելու ՀՀ Նախագահի և ՀՀ կառավարության աշխատակազմեր:</p> <p>➤ տեսչական բարեփոխումների իրականացում՝ պիլոտային համարված երեք տեսչական մարմիններում</p> <p>Տեսչական համակարգի օպտիմալ քարտեզի մշակում.</p> <ul style="list-style-type: none"> • Տեսչական համակարգի օպտիմալ քարտեզի մշակման գործընթացը ավարտական փուլին է հասցվել հետևյալ քայլերի հաջորդականության արդյունքում՝ Հայաստանում գործող տեսչությունների վերահսկման ոլորտների ուսումնասիրման ավարտի արդյունքում մշակվել է տեսչական համակարգի նոր մոդել, որը գտնվում է վերջնական ամփոփման փուլում: • Մի շարք քննարկումներ են կազմակերպվել Հայաստանում գործող տեսչությունների ներկայացուցիչների հետ՝ ոլորտների հստակեցման աշխատանքների նկատառումներից ելնելով: <p>Պետական վերահսկողության ընթացակարգ</p> <p>Մշակված «Պետական վերահսկողության մասին» ՀՀ օրենքի նախագիծը ներկայացվել է Խորհրդին: Խորհրդի կողմից նախագծի հիմնական ուղղությունների հավանության արժանանալուց հետո ստացվել են մի շարք առաջարկներ և դիտողություններ և նախագծում կատարվել են փոփոխություններ:</p> <p>Պիլոտային ծրագրեր</p> <p>– Հրդեհային տեսչություն</p> <ul style="list-style-type: none"> • Հրդեհային տեսչությունում ռիսկի վրա հիմնված ստուգումների համակարգի ներդրման ծրագիրը, որը ներառում է տվյալների բազաների կառուցվածքը, ռիսկի գնահատման և ստուգումների թիրախավորման մեթոդաբանությունը ներկայացվել է Խորհրդի
--	--	--	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<p>քննարկմանը:</p> <ul style="list-style-type: none"> • Հանդիպումներ են կազմակերպվել Հրդեհային տեսչության աշխատակիցների հետ և քննարկվել է փորձաշրջանի կազմակերպումը և ռիսկի վրա հիմնված ստուգումների համակարգի հետագա ներդրման հեռանկարները: • Ամփոփվել է միջազգային փորձագետի օգնությամբ մշակված հրդեհային տեսչությունում ռիսկի վրա հիմնված ստուգումների համակարգի ներդրման ծրագիրը և քննարկվել Հրդեհային տեսչության աշխատակիցների հետ: <p>– Հիգիենիկ և Հակահամաճարակային տեսչություն</p> <p>Միջազգային փորձագետը ներկայացրել է Հիգիենիկ և հակահամաճարակային տեսչությունում ռիսկի վրա հիմնված ստուգումներ համակարգի ներդրման մեխանիզմների վերաբերյալ հաշվետվությունը:</p> <p>Քննարկվել են և փոփոխության են ենթարկվել միջազգային փորձագետի ներկայացրած հաշվետվության մեջ ներառված և առաջարկվող ստուգումների համակարգի ներդրման մեխանիզմները:</p> <p>Պարբերաբար հանդիպումներ են կազմակերպվել տեսչության աշխատակիցների հետ:</p> <p>Աշխատանքներ են տարվում ներդրման փուլի կազմակերպման ուղղությամբ:</p> <p>– Շուկայի և Սպառողների շահերի պաշտպանության տեսչություն</p> <ul style="list-style-type: none"> • Միջազգային փորձագետի ներկայացրած հաշվետվությունը քննարկվել է տեսչության ղեկավարության և աշխատակիցների հետ: • Պարբերաբար հանդիպումներ են կազմակերպվել տեսչության աշխատակիցների հետ համագործակցության հետագա քայլերը մշակելու համար: <p>– Մոնիտորինգի և գնահատման ծրագիր</p> <p>Նախագծված մոնիտորինգի և գնահատման ծրագիրը ներկայացվել է Խորհուրդ:</p> <p>Պետական-ոչ պետական հատվածների համագործակցություն</p> <ul style="list-style-type: none"> • Իրականացվել է պետական-մասնավոր հատվածների համագործակցության ծրագրի շրջանակներում նախատեսված մի շարք հանդիպումներ գործարարների միավորումների, հասարակական կազմակերպությունների և անմիջականորեն
--	--	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

			<p>գործարարների հետ: 2.Տեսչական բարեփոխումների հանրային իրազեկման ծրագրի շրջանակներում հեռուստատեսությամբ հեռարձակվել են տեսչական բարեփոխումների վերաբերյալ 2 հեռուստահաղորդումներ:</p> <ul style="list-style-type: none"> • Գործում է նաև տեղեկատվության տրամադրման և բողոքների գրանցման թեժ գիծ: <p>Բարեփոխումների ամբողջ ընթացքում պետական հատվածին իրենց ակտիվ աջակցությունն են ցուցաբերում միջազգային կազմակերպությունները՝ Միջազգային Ֆինանսական Կորպորացիան (IFC), Վերակառուցման և Զարգացման Եվրոպական Բանկը (EBRD BSO):</p> <p>➤ օտարերկրյա շուկաներ հայկական ապրանքների մուտքի համար առավել բարենպաստ պայմանների ապահովում՝ իրավապայմանագրային դաշտի կատարելագործման միջոցով</p> <ul style="list-style-type: none"> • Վավերացման փուլում է գտնվում 2009 թվականի նոյեմբերի 20-ին ստորագրված «Անկախ Պետությունների Համագործակցությունում ապրանքի ծագման երկրի որոշման կանոնների մասին» համաձայնագիրը: Համաձայնագիրը ներկայացված է ՀՀ արտաքին գործերի նախարարություն: • Բանակցություններ են վարվում «ԱՊՀ պետությունների հետ ազատ առևտրի գոտու ստեղծման մասին» նոր համաձայնագրի շուրջ: • Ներկայումս բանակցություններ են ընթանում Մոսկվայում Համառուսաստանյան Ցուցահանդեսային Կենտրոնում Հայաստանին վարձակալությամբ տաղավար հատկացնելու մասին Համաձայնագրի շուրջ: • Ի կատարումն է ՀՀ վարչապետի 2010 թվականի հունվարի 10-ի N 150-Ա որոշումից բխող միջոցառումների ծրագրի 6-րդ կետի մշակվել և ՀՀ կառավարության աշխատակազմ է ներկայացվել փորձարկման լաբորատորիաների հավատարմագրման համար միջազգային հավատարմագրման մարմնի ընտրության ծրագիրը և ժամանակացույցը:
70	Էլեկտրակապի ստանդարտացման եվրոպական ինստիտուտի հեռուստառադիոծրագրերի վերգետնյա թվային հեռարձակման, արբանյակային թվային		<p>➤ աշխատանքային խմբի ստեղծում, համապատասխան փորձագետների և մասնագետների հրավիրում</p> <p>ՀՀ տարածքում ռադիոհաղորդումների և հեռուստահաղորդումների հեռարձակման թվային համակարգի ներդրման միջգերատեսչական հանձնաժողովի կողմից ձևավորված իրավական հարցերի գծով աշխատանքային խմբի կողմից</p>

		<p>հեռարձակման և շարժական թվային հեռուստատեսության ստանդարտներին համապատասխանող ազգային ստանդարտների մշակում</p>	<p>ուսումնասիրվել են Էլեկտրակապի ստանդարտացման եվրոպական ինստիտուտի հեռուստառադիոձրագրերի վերգետնյա թվային հեռարձակման, արբանյակային թվային հեռարձակման և շարժական թվային հեռուստատեսության թվով 27 ստանդարտներ և իրականացվել են աշխատանքներ վերջիններիս համապատասխանող ազգային ստանդարտների մշակման ուղղությամբ, մասնավորապես, կազմվել են մշակվելիք ստանդարտների ցանկը, որը ենթակա է տեղայնացման Ազգային ստանդարտների ինստիտուտի կողմից և ներկայումս գտնվում է մշակման փուլում ՀՀ կապի և տրանսպորտի նախարարության կառույցների և այլ շահագրգիռ մարմինների հետ համատեղ:</p>
	71	<p>Հեռուստառադիոձրագրերի թվային հեռարձակման ներդրման և անալոգայինից թվային հեռարձակման համակարգին անցման համապատասխան իրավական կարգավորման դաշտի ձևավորում</p>	<p>➤ անհրաժեշտ իրավական ակտերի ցանկի սահմանում, դրանց նախագծերի մշակում</p> <ul style="list-style-type: none"> • Մշակվել և ՀՀ վարչապետի 2010 թվականի օգոստոսի 13-ի N 642-Ս որոշմամբ հաստատվել է «Հեռուստատեսության և ռադիոյի մասին» Հայաստանի Հանրապետության օրենքում փոփոխություններ կատարելու մասին» Հայաստանի Հանրապետության օրենքի կիրարկումն ապահովող միջոցառումների ցանկը հաստատելու մասին» ՀՀ վարչապետի որոշման նախագիծը: • Մշակվել և ս.թ. սեպտեմբերի 16-ին ՀՀ Ազգային ժողովի կողմից ընդունվել է «Պետական տուրքի մասին» Հայաստանի Հանրապետության օրենքում փոփոխություններ և լրացում կատարելու մասին» ՀՀ օրենքը (ՀՕ-121-Ն):